

650553

5

EXCVRSVS ALTER
EPIGRAPHICVS LIBER

COMMENTARIVM XIII.

RAYMVNDI GVARINII.



NEAPOLI

TYPIS SOCIETATIS PHILOMATHICAE.

1831.

Abstineas facilius, quam tibi temperes.



COMMENT. XIII.

ECCE in scenam iterum *Divini* personam deridiculam serio acturi. Atqui adversa quam dudum reluctatur valetudo.. At enim ad spectandum provocant monumenta alia, partim Etrusca, partim Osca, partim Graeca, aut Romana, vel forte fortuna oblata, vel curiose etiam conquisita. Vetus enim malum est, de quo vel Medici severiores desperent. Verum de hoc, quidquid Superis placitum. Quo in his pertractandis ordine utemur? Quippe, quem casus dederit, quandoquidem nullum rationi, consilioque certum locum videmus.

§. I.

*Titulus Etruscus expenditur a Lanzio
illustratus. Sic ille se habet.*

VOVAVNAE IOI
VADCE VERNIVD· KE 8VFDIM

Lateri dextro adscriptus imagunculae Deam referentis, quae in Regio Florentino Museo adservatur. Crines concinne dispositi: vestis fere

in omnibus, qualis mulierum Domus Augustae (1). *Paterae* typus.

Prolixa in titulum hunc, nec semel, aut uno tantum loco, Lanzii (2) oratio, quem in talibus quis laudet pro merito? Summa huc redit, ut titulo hanc subesse sententiam, putet:

Larcus. Licinius. D. D. pro. salute (vel sospitatrici) Larthiae Noviciae.

Suboluit (fatendum est enim) in finem viro summo *Iuno Lanuina*: verum de hac trepidanter adeo, ut priorem explicationem, prae posteriori hac, *magis obviam* duxerit. Quae omnia, nisi fallor, salivam cient, famem minime explent. Res igitur omnis altius repetenda.

1. De *Larcio Licinio*, plenissime Lanzio assentior, nisi cui forte, prae *Licinio*, *Laecanus* magis adriserit, quod minus a litera recedit; uti et de voce *turuce*, quam praeteriti temporis verbum ponit; quasi *δεδώρηκε* *dedit*. Tantum desinentiam in VR notari velim ad vocem *Leciniur*, qui casus rectus, ut Latinorum *satur*.

2. De voce *ΜΕΔΕΥ8 phleres*, quam *sacrum*,

(1) Vid. Dempster. *Tom. II. Tab. 93.* et Passer. *Paral. Roncagl. XI.*

(2) Vol. II. pag. 449.

vel *donum* interpretatur, si potestatem spectes, et eidem assentior: quandoquidem vox eadem in pluribus recurrit, et in eandem plane significationem; de qua minime dubitandum. Quod si vocis originationem consideres, quam ille deducere conatur, vel ἀπο τῆς ἰσρος, vel ἀπο τῆς πλῆς, id non satis liquidum. Quod nemini fraudi esse debeat, cum in dialectis huiusmodi pervestigandis plerumque a rebus ad voces, raro a vocibus ad res, nos veluti manu duci, necesse omnino sit.

3. Quod autem vocem *phleres* cauda sua, id est sigmate finali, Lanzius multet, transferatque contra legem terminalem ad vocem insequentem, unde illi SVTHVR Σωτηρια, vel Σωταρια, prosilit; id mihi nullatenus concedendum reor viro probatissimo. Vox enim consequens est VTHVR, non SVTHVR; de qua, quid sit, accurate inquirendum.

4. Ovis olim auferendi casus singularis littera D claudabatur, ut *Actud*, *Dolud*; quod utrum desinentiae proprium, an τῆς παραγωγῆς ἐνεντα factum, in medium relinquam; etsi in hoc posterius magis inclinet animus. At Etruscis ex adverso idem casus non littera D, sed R, au-

gebatur. VTHVR idcirco habeo pro sexto casu, quem reddas VOTO. Sic nostratium vulgus passim hodie ait: *no' uto*, et *no' vuto*. Quae observatio cum inobservata viris plerisque interdum doctis praetereatur, mirum in quot sese senticeta, labyrinthosve incauti coniiciant, a quibus numquam expediantur. Mihi fixum omnino est, sacerrimumque, ut si quando vox una, aut altera in deperditis Italorum dialectis occurrat notae potestatis, quae integra, et ὡλίκως adhucdum perseveret in graeco, latino, vernaculo in primis idiomate; huic potissime insistendum omnino sit, ab eaque nec latum unguem recedendum, ut certa ab incertis secernantur, nec ab his illa obtenebrentur, sed haec potius ab illis lucem, quam possunt, recipiant. Quid si et vocis, de qua quaeritur, nota acceptio in rem, uti in re nostra, perbelle quadret? Sed de his paullo post. Tironem meum monitum interea volo, in his haud raro patere domi, quae ab Hebraicis, Aegyptiis, Aramaeis, Phoeniciis, Germanicis, Armoricis, Celticis fontibus frustra petas.

5. Ubi autem vox non eadem κατὰ γράμμα occurrit; et soni tamen adfinitas consideranda, et τῷ ἔτυμῳ sedulo habenda ratio, et literarum

denique, syllabarumque sive permutatio, sive redundantia, sive defectus. Linguae siquidem primigeniae unius veluti farinae massae quaedam sunt, de quibus hic formam unam panis effingit, alteram ille, et ita porro. Eccui namque in mentem venisset, quod alibi observatum, de *Laomedonte* fieri olim potuisse *Alumentum*, et *aegritudinem* de *necritu*, ut innumera huiusmodi missa faciam, nisi prudens antiquitas haec nobis tanta cum accuratione tradidisset, quanto nunc cum fastidio, risuque haec excipiant saperdarum plerique, diariorum in primis consarcinatores? Atqui ecce nil tale cogitantes eo, natura ipsa duce, iam devenimus, quod polliciti paullo supra fueramus. VTHVR cum simplici V initiali scriptum occurrit, sine digammate, quod insecutis temporibus tum praeponere, tum insertere vocabulis consuevere. Ita olim, ut his unis exemplis sim contentus, IVENTIA pro IVVENTIA, et *sultis*, idest, *si ultis*, demum *si vultis*. Paucis: quod Etruscis VTHV, Latini *votum*, Graecis *ἐϋχην*, nostratibus passim *uto*, et *vuto*.

6. ΕΥΗΘΑΥ. Male vox haec habita a Lanzio, quam a caeteris sedula interpunctione determinari oportebat. Est enim manifestario, insertio

digaminate, *Lanuve*, sive *Lanuviae*, unde *Lanuviniae*, aut *Lanumviniae*, Iunonemque ciet tam elata voce, qua nec Stentor in Danaum concilio uteretur. Quae singula si accuratius perpendisset Lanzius, *Larthiam* profecto illam *Noviciam*, renovato Taigetis prodigio, minime in scenam, non plaudente cavea, induxisset. Sed fato rerum humanarum, qui summi in maximis, interdum caecutiunt in parvis.

7. Supersunt postremi characteres tres ΙΘΙ, qui in unum compacti dant ΙΘΙ. Quid haec? arcessam libenter a graeco *ίθυσ*, *rectus*, vel *ίθη*, *laetitia*. Plane ad rem! In re enim votiva respondent Latinorum formulae notissimae: *Libens merito*. Sic igitur titulum omnem latine reddiderim: LARCIVS. LICINIVS. KE. D. D. EX. VOTO.

LANVVINAE. L. M.

De voce ΕΥ puncto duplici disternata silet Lanzius. Vox fortasse breviata, quae *Cecinam*, aut aliud, simile nomen sive paternum, sive maternum *Licinii* denotat.

§. II.

Oscæ nonnullæ.

Antinatium fundus est titulus prior, quem explanandum aggredior, lamellæ æneæ insculptus, qui tamen a laeva ad dextram procedit. Characterum formæ romanæ adamussim referunt, si unam excipias Γ , quam fuisse P , sine hæsitatione pronuntio, plane ut graecorum Γ vetus cum hasta verticali dexteriore dimidiata. Quorum utrumque indicio esse queat, ad ea illum tempora fore reiiciendum, in quibus romanorum apud Oscos et dominatus, et dialectus invalescebat. *Votiva* res in manu est: animum advorte. Titulus est talis:

ΓΑ. VI ΓΑCVIES. MEDIS
VESVNE. DVNOM. DED
CA CVMNIOS. CETVR

Epigramma dudum a Romanellio nostro vulgatum, expositionis addito munusculo, non suo illo quidem, sed hominis, cuius nomini consultius multo pepercisset. Huic enim in illo contemplando obversatus est animo *Pacuius* quidam, qui *Venusiae domum suam dedicat cum omnibus*

caeteris. Nempe interpreti nostro Vesune fuit Venusia; dunom versum est in domum; rer in dedicavit; denique de ea cumnios cetud profectum est mirabile illud: cum omnibus caeteris.

Age, age: usque excrea.

Quae non gratuita mordendi libidine dico, sed ut quorundam coerceam imprudentiam vanissimam, quibus certum est, nihil sibi contingere miserius posse, quam si in re quacunque proposita verba videantur deesse, silentioque demum suo profiteri, se nescisse aliquid. Atqui plura se nescire, pauca admodum perspecta fieri, sapientiae munus praecipuum est. Sed age, rem nostram agamus: malo quandoquidem huiusmodi medicinam afferre velle, insipientis esse puto. Tabellam ipsam, quam sibi comparavit Tutius noster, cupediarum eiusmodi appetentissimus, ipsi vidimus, contrectavimus, descripsimus. Foramina duo ad latera latitudinis, quae excurrunt per uncias duas, cum longitudo continuetur per uncias octo.

Nihil est ἐν τοῖς γραμμασι, syllabisve, quod te moretur. De *Vesuna*, *Petrocoriorum* (Pe-

rigueux) in Aquitania Oppido , apud Gruterum (1) haec invenias :

IOVI. PR.... PAC

AVG. VESuN...

C. POMP. SEX. V. S. L. M

Votum susceptum, solutumque *Iovi* a C. Pompeio Sexto in Oppido *Vesunae*, vel *Vesuniorum* nomine: quamobrem nihil hic de *Vesuna Dea*, quam insinuat, et colere videtur lamella *Oscæ*. Nunc more nostro antiquo propositi τὰ ἐπιγραμματος partes singulas ἀναλυτικῶς rimemur, ut quid sit intus oleae durum, κατὰ τὴν συνθεσιν manu tangamus.

1. PA. Quid syllaba haec puncto a caeteris dextrorsum disiuncta? Pro initiali accipio vocis *Pacuvii* redintegrandae in gignendi casum. Ridebit fortasse ad haec de gente *Fabiana* quispiam. Sed rideat, an rudat, nihil pensi est, quando nihil *Asino* cum fidibus canoris. *Nominum* quippe una dumtaxat syllaba, aut litera unica initiali insinuatorum, exempla passim obviant in veterum monumentis generis cuiuscumque. Neque in casu nostro ullum ambiguitatis

(1) Pag. 22. n. 2.

periculum, recurrente statim post characteres duo, et sane *ολογραμματα*, voce *Pacuius*, quae sine dubio *Pacuvius* est casus recti. Hinc

2. Syllabam VI solitariam compendiaro positam arbitror pro eo, quod graecis est *υιος*, latinis *filius*, Etruscis *Fios*, de quo vide Lanzium (1), alternante videlicet digammate modo cum litera V, interdum cum litera F. Sic Cassiodorio testante (2), *Virgo* dicta, et *Firgo*, et *Felia*, et *Velia*, et *Serfia*, et *Servia*; et adhuc apud Germanos *Vicus* est *Ficus*, ut Oscis olim *8LIKOZ* pro *Veicos* in eamdem significationem. Sensus itaque erit trium illarum particularum: *Pacuvii Filius*, *Pacuvius*. Qui sane loquendi modus sororiatum cum romana inscriptione illa, cuius initium est: PATER. SENATORIS, et de qua mirabatur olim tantopere Antistes eruditissimus Lupulus (3), *portentum* illam *capitis* vocans *vel Oedipo mirum*. Dixisset prudentius tituli formulam paullo insolentiorum. Nam quod addit, *nihil* formula haec *commune habet cum reliquo*

(1) Vol. 1. pag. 133.

(2) De Orthogr. 2282.

(3) It. Ven. Marm. Aecul. n. XV.

epigrammate, quis hoc ei assentiatur? nihilne commune *parentibus* cum *filiis*? Atqui *P.* ille *Oppius*, quem honorario marmore remunerari propositum fuerat, *Pater* fuerat *P. Oppii* Senatoris, quae paternae gloriae accessio non minima, si quidem liceat, quod licuit, semperque licebit, parentes filiis, filiosque parentibus gloriari. Hinc mos ille sanctissimus non parentes dumtaxat, sed et avos, atavosque in elogiis ciendi. In quam rem facit opportune epigramma recens e Lunensibus ruderibus effossum, quo me donavit, beavitque suavissimus, atque eruditissimus Collega meus, Borghesius. Ecce tibi illud; de cujus singularitate minime dubito, quin singularem capturus sis voluptatem:

....APPVLEIO. SEX. F

GAL

SEX. N. SEX. PRON

FABIA NVMANTINA

NATO. VLTIMO. GENTIS

SVAE

At quando hic de voce *Filii* sermo incidit, non fuerit abs re adnotare, *cognominis* quoque loco illam interdum stetisse, ut de voce *Nepos* notissimum. Ita plane in titulo hoc, in quo haesit

Lanzius noster, at alucinatus omnino est vir omnium nasutissimus Iuvenatius. Titulus hic est:

C. GAVIVS. L. F

FILIVS

Quid ad haec Iuvenatius (1)? Repetitum quidem coniicit *Filiu* nomen ad Gavii *ingenuitatem* confirmandam. Nutabit ergo in illis, qui nota hac reduplicationis destituuntur: quod cui in mentem veniat?

3. De voce *Meris* tralatitia omnia. Literam Z, qua terminari vocem oportuit, vide a Latinis redditan pro S; quod, qua de causa quibusdam minime se probet, plane non assequor, etsi libenter dederim, literae huic sonum aliquanto crassiorem ab Oscis assignatum, quam leni romanorum sigmati. Caret praeterea vox *Meris* additamento *toutiks*. Non itaque *Summus* erat *Pacuvius*, sed *alter a Summo*.

4. VESVNE. De Vesuna longe uberius narratio. Utinam minus iniucunda! atqui fortasse utilior. Ad vocis corticem quod attinet, de *Vesune* fac primo *Fesune*; deinde de *Fesune* fac *Ferune*. *Ferunam* denique habebis, quae La-

(1) Città di Aveja fac. 60.

tinis dicta *Feronia*. Primum admittes, si animo recolas, quae paullo supra memorata sunt de ancipiti quondam digammatis potestate. Alterum non negabis, qui probe meministi, de *Fusiis*, *Valesiisque* prodixisse *Furios*, et *Valerios*, et *Lares* nuncupatos, qui primitus fuerant *Luses*. Postremum mihi iure meo sumo, qui saepius commonui, Oscis V stetisse pro O. *Vesunae* tamen nomen percunasse in Latio recentiore, indicio est gens *Vesonia* romanorum notissima. Vocis *ἐρυμῶν* quidam repetunt abs Hebraico *pharah*, quod *Feronia* praedicatur *proventuum Dea*.

Deae huic nolo, vitula, aut ture facias. Quae tamen a veteribus credita, undeque ad eosdem appulerit, puto citra superstitionis crimen quaeri posse.

Si Dionysio (1) fides, Lacedaemonii Lycurgi ob nimiam severitatem pertaesi, cum Pomptinos agros occupassent, *Feroniae* templum inibi excitarunt, agrumque universum *Feroniam* dixere. De *Feronia* haec nunc in manibus Poetarum testimonia Virgilius. (2):

(1) Lib. II.

(2) Aen. VII. v. 800.

viridi gaudens Feronia luco.

Horatius (1):

Ora, manusque tua lavimus, Feronia, lympa.

Paullo plura de Antiquariorum promptuariis.

Apud Fabrettium (2) legere est *Iuvenes Lucoforonenses*. Adde ex Lanzio (3):

FERONIA. STATETIO. DED

Quod et Lanzio ipso duce, meque in his a rationibus huiusmodi facile eius pedissequo, rede: *Feroniae Statetius dedit*. Titulum alium refert Maffei (4), qui est huiusmodi:

FERONIAE. SAC

IN. MEMORIAM

MINEI. PRISCI. FIL

T. KANIVS. IANVAR.

SAC. GRATVITVS

ANNO. XXXX

D. D

Nimirum *Feroniae dono dedit Titus Kanius*

(1) Sat. V. Lib. 1.

(2) Pag. 106. n. 251.

(3) Vol. I. pag. 125.

(4) M. V. pag. 80. n. 3.

Ianuarius anno XXXX. Sacerdotii sui gratuiti.
 Nec praetereunda *Feroniae Flaminia* Municipii Septempedani, cui *Camurena Celerina* nomen fuit, apud Gruterum (1):

CAMVRENAE

C. F

CELERINAE

FLAM. FERON

MVNICIP. SEPTEMP.

Vide apud Gruter. titulum alium de *Feronia* (2), si vacat.

Feroniam alii eandem voluere cum *Proserpina*, cum *Cerere* alii, alii demum cum *Iunone* ipsa, quos inter postremos piget ciere *Morcellium* (3), quem in errorem induxit *Maffei* ille lapis (4) et a *Fabrettio* relatus (5),

IVNONI. FERONIAE

BARBIA. L. F. SECVNDA

AEDEM. SIGNVM. PORTICVS

D. P. S. D

(1) Pag. 308. n. 3.

(2) P. 25 n. 12

(3) De Stil. pag. 26.

(4) M. V. p. 80. r. 3.

(5) Pag. 450. n. 65.

At quem nunc latet, qui Diis, hominibusque *Genius*, eundem Deabus, feminisque *Iunonem* appellatum? De *Genio* igitur *Feroniae*, non de *Iunone*, lapis intelligendus. Paucis. Hos universos, et singulos falsitatis coarguunt Virgiliana haec, quae non piget in medium proferre (1):

O mihi praeteritos referat si Iupiter annos!
Qualis eram, cum primam aciem Praeneste
sub ipsa
Stravi, scutorumque incendi victor acervos,
Et Regem hac Herilum dextra sub Tartara misi;
Nascenti cui tres animas Feronia mater,
Horrendum dictu! dederat, terna arma mo-
venda.
Ter leto sternendus erat, cui tunc tamen omnes
Abstulit haec animas dextra, et tandem exiit
armis.

Quibus in antecessum positis, sic nunc de *Feronia* tecum collige. *Feroniae* fuit filius, *Herilus* nomine, rex Praenestinus, ab Evandro occisus. Et ne cavilletur quis, Virgilianam *Feroniam* aliam extitisse a *Feronia Dea*, adverte, ea a Virgilio tribui *Feroniae* suae, quae nisi

(1) Aen. VIII. v. 560. et seqq.

Deae, nulli praeterea convenire queant. Nam tres nascenti Filio animas dedit, et terna arma movenda, unde ter leto sternendus erat. Atqui praeter Heben, et Vulcanum, nullus Iunoni filius, nomine Herilus. Cereri filia unica, quam Proserpinam fatentur omnes. Proserpina ipsa sterilitatis vitio notatur. Adde; quod et Feronia Libertorum habita patrona, cuius in templo Servi, ut Servius testatur (1), raso capite pileum, insigne libertatis, accipiebant. Nunc quid horum commune cum Cerere, Proserpina, Iunone, aut cum Flora, Pomonave, quacum alii eandem confundunt? Prudentius igitur *Feroniam* dixeris Deam Lacedaemoniorum peculiarem, ab iisque primitus in Italiam invectam, quae *Lucis*, et *Fontibus* delectabatur, quamque Sabini veteres, Latinique praecipue, coluere.

5. DVNOM. DED. Lege: *Runom rer*, quod vel me tacente, intelligis, illud ipsissimum esse, quod fuit Latinis: *Donum dedit*. Particulam CA, libenter acceperim pro praepositione *cum* Latinorum.

6. CVMNIOS. Possis, reddita literae M sua

(1) Aeneid. VIII. v. 564.

auxiliari E, legere *cumenios*, seu *comenios*, quae vox Lucanis *comononi*, Latinis erat *communis*. Vox profecto *communitatem*, seu *universitatem*, insinuare videtur; et si penitus introspicias, coalita fortasse ex praepositione *cum*, vel *com*, et adiectivo *omnis*. Etruscis quidem *omnis* fuit *umne*.

7. CETVD. Euganeis interdum auferendi casus terminabatur litera R. *Com. privatur. dur: cum privatis duobus* (1). Oscis contra in D, ut in epigrammate nostro. *Cetud* porro hic sapse, si fas lingua loqui Enniana, vel Plautina, pro Latinorum *coetu* se prodit, si unum excipias diplithongi discrimen, qua vocem hi augent, illi mutant. Itaque *ca cumnios cetud* ad literam esset; *cum populi coetu*. Titulum post haec omnem de Osco romanum factum *κῆ-τῃ γραμμῇ* sic audi:

PACVVI. F. PACVVIVS. MEDIS
FERONIAE. DON. DED
CVM. POPVLO. VNIVERSO.

(1) Tab. VI.

§. II.

*'Agri Anxiani titulus Oscan insignis exponitur
cum nonnullis aliis.*

Votiva adhuc res nos detinet. Titulus est huiusmodi, lamellae item aeneae incusus, cui foramen superne, quo olim suspendebatur. Prostat nunc in Museo Michaelis *de Giorgio*.

⊙ 03. λ ∪ Π Ν Ν Π Κ Ι V √ : 3 Ν Η Ε Δ Ε Π ⊙
... Ν √ Ν Π 3 Ν λ ∇ ∗ : 2 Π Π Ν Ν

Forma litterarum quadrata. Litterae *e* figura duplex, nempe 3, et Π. Legesis ita a dextra ad laevam procedens:

CEREIAE. LVEKANA. PC. L. EO.

AAPAS. KALNE: PALA ...

1. *Cereiae*. Bene habet. Quod hic sine nucleo est *Cereiae*, in marmore Pompeiano Com. nostri XI. pag. 9. est Ε Ν Η Ε Δ Ε Π. Oscan itaque littera I cum puncto, seu lineola dextrorsum, erat E: et II, idest *i* geminatum, erat item E, sed tamen producta. Ε Η Ζ V V √ 8 igitur, quod legitur, in fronte Arulae nuper Pompeis effos-

sac, est PHLVVSAE, aut PLVVSAE, dempta adspiratione. Concinit his vox ΑΨΑΨΤ; quae redditur *Trebula*, unde *Trebia*. De PHLVVSA, seu *Pluusa*, obiter dixerim, Deae fortasse nomen illud extare, quae Hyems dicta a Virgilio (1)

Nigram Hyemi pecudem, et *Tempestas* in vulgatissimo Scipionis epitaphio: DEDET. TEMPESTATEBUS. AIDE. MÉRITO Illud item, occasione nacta, non praetereundum: vocem ΖΗΙΩΞΩ, de qua disseruimus alibi, fuisse revera *Aceres*, penultima syllaba, et ultima productis, quae idcirco a Latinis post *Acerrae* fuere nuncupatae. Redeo nunc ad vocem *Cereiae*.

Formam Γ fuisse *Ve*, in comperto est. Sed stetit etiam pro C. seu K, ne temere alio loco dictum abs me arbitreris. Libet nunc et de hoc ampliare. In numis est ΚΟΩΕ, quod redditur *Koës*, nempe Γ pro sigmate. In patera (2) ALSE pro *Alce*, seu *Alceste*. In Inscriptione Sigæa ΓΑΞΙΩΝ Froelichio, et Exke-

(1) Aen. III. v. 120.

(2) Dempster. Tab. XXXVIII.

lio est *Sasion*. Quae evincunt, formam **I** haud raro usurpatam pro **C** Gallorum leni. Nunc pro **K**, seu pro **C** asperiore, haec suppetunt exempla. In monumento Etrusco (1) est: **ITATETI** **INVI** **V**, quod Lanzius recte interpretatur: *Lars Cilnius Veratia*. Vide eandem **I** nunc pro **C** aspero, nunc pro *Ve* adhibitam. Ad haec: in titulo bilingui (2) **I** solitaria latine redditur *Caius*. Quae cum aio de **I** solitaria, nolim trahas ad **ET**, nempe ad **I**, quae quiescit in **E**. Nam hoc in casu est *Velius*, praenomen etruscis usitatissimum, quod tamen quidam non recte vertunt in *Caium*. Ex quibus omnibus valde veri simile fit, vocem **ETIETI** fuisse olim *Sereiae*, vel potius *Cereiae*.

Ita et *Arse* pro *Arce* veteres dicere amabant. Qua in re taxanda Dacierii intempestiva corrigendi prurigo, qui Festum ex eo insectatur, quod in commate *Arse verse* reddiderit *arse* averte, et *verse* ignem, quod contra dici oportuerat, si Dacierium audis, cui *arse* est ab *arsisse*. Sed toto, ut aiunt, caelo ab-

(1) Vol. II. p. 380.

(2) Maff. Oss. lett. Tom. VI. pag. 13.

errat. *Arse* quippe minime contractum est vocis *arsisse*, sed verus imperandi modus verbi *arceo*; unde *arse* est *arce*, vel *arceto*. *Verse* autem, quasi *urse*, repete ab VR Chaldaeorum, unde Latinorum *uro*, et graecorum *εὑρ* promanavit. Lanzius in hoc humaniter culpam a Festo arcet; Dacierio tamen plaudens parum aequae transfert in Festi Breviatorem. Sed in hoc neuter culpandus: absolvendus uterque. Temeritatis crimine notandus Dacierius; Lanzius importuni in Dacierium obsequii.

2. ΝΝΝΧΕΥΥ. Quod igitur Latinis fuit *Lucanus*, Oscis erat *Luekanus*, alternantibus inter se diphthongis VE, et OV. Atqui eccam tibi *Cererem Lucanam* τὸν τροχόν *Cereris Pompeianae*, de qua nihil est, quod ultra commemorem. Caetera lineae huius interpolata: nec tanti porro videntur, ut in iis conquirendis operam, oleumque perdamus.

3. ΖΝΗΝΝ. *Aapas*. Scio, ἀπαξ Graecis etiam in monumentis esse *semel*. Verum id ad rem nostram non belle quadrare, quisque per se videt. Vocis contra desinentia, orationisque in primis contextus, ut in nominandi casum accipiat, suadent, quem, sublata A una red-

undante, quantitatis ergo, dicas *Apasius*. Atque ecce tibi lamellae votivae auctorem, quae *Cereri* olim *Lucanae* suspensa fuit. Et fortasse qui apud *Oscos Apasii*, dicti inter Romanos *Apisii*; quandoquidem nulla in priscis dialectis vocalis, quae non in alteram quamcumque facile transierit.

4. $\text{K}\alpha\lambda\epsilon\eta$. *Kalne*. Est alterum *Apasii* binomii nomen, quod, reddita liquescenti L auxiliari E, fiet *Kalene*, *Kalenum* puta patronimicum a *Calibus*, hodie *Calvi*. Sed liquescenti eidem auspicatius forte sociam addas litteram I; nam, quae *Balnea* vulgo, quondam dicta *Balineae*. Id si sit, *Kalinum* habebis, notae originis, potestatisque vocabulum. Interim in memoriam revocare, iuverit, desinentiam in E pro nominibus Tuscis iuxta, atque *Oscis* fuisse familiarissimam.

5. $\text{P}\alpha\lambda\alpha$. *Pala*.. At vox non integra. Videtur fuisse Latinorum $\tau\acute{o}$ *palam*; nec in Musica nostra canit extra chorum. Reddi quippe potest *publice*. Epigramma idcirco tale fuisse videtur:

CERERI. LVCANAE. *Ex voto*
APASIVS. KALINVS. PVB. D. D

6. Qui nunc sequitur, titulus alter, *Castri* vulgo *de Sangro* fundus est, in Lapide exaratus, cuius longitudo palmarum fere quatuor, latitudo duorum.

ΩΝΙΥΖ. ΩΠ. ΕΡ Ω

ΡΕΖΠΙΥ. ΕΠΙΕΡ

Quem sic expositum a viro erudito, nescio quo, accepi :

Paculus. Filius. Pacoli

Sacerdos. Veneris. Umbriae.

Fucum, nisi fallor, interpreti tria fecere. Primo litera Ω, quam ille habuit pro P : est autem L. Deinde litera Ω. quam constat fuisse A, cum ipse interim videatur accipere pro N. Inde etenim profecta *Venus* illa, concha iterum novo veluti *invecta salo*. Denique litera Ρ, quae Oscis erat D, et quam interpretes pro rhotacismo mero habet.

Veneri huic Umbriae τὸ ἐπιθετον conciliatum ab interprete suspicor a voce ΡΕΖΠΙΥ, quasi si, remoto sigmate, additaque M, prodeat VMPIER, seu *Umbria*, propter affinitatem literae B cum P. Verum unde *Paculo* Sacerdotii huius insignia quaesierit, frustra quaeras. Paucis. Lege sic.

LK. DE. PR. SVUAD

EEIPE. VPZED

Titulus mere sepulcralis, et quidem de *Familiarium*, ut aiunt, genere, de quo sic habe.

LK. Idest *Lucius*, romanis *praenomen*, haud infrequenter et *nomen*. Oscis fuit *Loucius*, aut *Leucius*, ut in titulo superiore, ἀπο τῷ λευκοῦ.

DE. Praenomen *Decimi*, qñi *Pacoli Pater*: unde illi, more romano, subintellige *Filius*.

PK. Sive *Paculus*, aut *Paculus*, sive *Pacius*, nihil moror.

SVUAD. Reddo: *Suae*, hoc est *Genti*, vel *Familiae*, quod romanis fuit SVIS, SVEIS, et SVVEIS.

EEIPE. Solverim in duo: EE, et IPE; eritque EE *et*. IPE vero, addito sibilo aspirante, fiet *sipe*, idest SIBE, ut dictum non raro a Latinis pro SIBI.

VPSED. Nempe *Opsed*, quod litera O carebant Osci. *Opse* autem est *ipse*, ut OLLI pro illi. Titulus itaque sic romano palato potest adcomodari:

L. DEC. F. PACVLVS. SVIS

ET. SIBI. IPSI

7. Omitto de fragmento Osco nobilissimo, nuper Pompeis reperto, dicere, ne sacer fiam. Utinam! enotent eiusdem reliquiae, quod non desperandum. Decurrit enim characteribus sane elegantissimis per lineas integras quatuor, quod quanti sit ἐν τοῖς χειρῶν τοῖς huiusmodi, ii norunt, qui in obsoletis Patrum nostrorum dialectis investigandis operam suam collocarunt. Tangitur in eo, nisi fallor, *Velius* quidam *Hyrius*, Pompeianus *Quaestor*, cui *operis* cuiusdam *publici* partes demandatae, ut ex voce obtruncata in fine. ΝΝΜΝΝΝ.. colligere est, in cuius gratiam mihi ampliandum tantisper.

Auctor Dissert. Isagog. (a) eam interpretabatur olim: *Septum posuit*, vel, quod in idem redit, *septo conclusit*. Scilicet vocem *aamanassfed* ab *aamanasserre* deducit, et particulam *am* in compositis nemo ignorat esse *circum*; unde *amanasserre* fit illi *ambire*, *circumdare*. Verum enimvero in praeterito *aamanassfed* pronius est verbum *facere*, quam *ferre*, παχυτερός obaudire, et in *man* insequente *manus* suboleat magis, quam aliud quidpiam. Observatum praeterea alibi nobis est, vocem ipsam cum addita

pruffatted conspicuam se dare in Operibus Oscorum publicis. At cui nunc persuadebitur, opera Oscorum publica universa *septo* fuisse *conclusa*? Constitutum idcirco per nos est, *aamanaf-fed*, et *pruffatted* illud ipsum Oscis fuisse, quod romanis dicebatur, *fecit*, et *probavit*; neque ab expositione hac recedendum idcirco censemus, nisi luculentiora, certioraque eadem in re occurrant.

§. III.

Nobile Foederis Frentanorum sacri monumentum marmoreum. Marmoris historia, dialectus, sinceritas, restitutio, illustratio.

Seculi huius initiis, *Anxani*, Frentanorum Oppidi pervetusti, nunc *Lanciano*, ingentes inter ruderum aggestus marmor effossum per palmos quatuor excurrans, graecis exaratum archaicis characteribus, graecoque ore loquens. Nulla verborum intervalla, interpunctiones nullae, uti mos veterum graecorum iuxta, ac latinorum. Diffractum tamen in partes duas prodiit, et quod magis dolendum, laeva, dextraque in locis nonnullis mancum, atque imminutum. Quod novi-

tate sua omnium animos perculerat, publico gaudio exceptum, membranisque chartaceis primo expressum, mox descriptum in tabella aenea, curis, et impendia Nicolai de Cecco, I. V. D. Nec membranas hasce, nec tabulam aeneam inde expressam, nobis inspicere datum. Tantum posterioris huius exemplar unum nobis tradidit vir amicissimus, idemque suavissimus, Ianuarius Ravizza, cuius tibi schema fidelissime delineatum cum supplementis nostris mox producemus.

Non uno hoc contenti Anxanienses, marmor ipsum Neapolim deferendum curarunt, iudicium de eo praestolaturi Academiae Herculensis, auspice Iosepho Zurlo, qui tunc ab interioribus regni negotiis erat, cuiusque recordatio non sine grati animi sensu recurrit. Monumenti τὸ ἀντογραφῶν fidem faciunt, praeter caeteros, Paschalis Liberator, notae vir probitatis, honoribusque functus, et vir illustris Antonius Columna, qui illud et oculis suis viderunt, et manibus contrectarunt. Quid post Marmori factum, penitus ignotum. Certe illud inter Musei Borbonici Lapides, quos inter paene consenui, nusquam offendi. Quae cum ita sint, mirari profecto sub-

it, fuisse aliquos, qui de monumenti fide ad-
dubitarint, illud homini cuidam novo tribuen-
tes, quem nominare non licet, et a quo, si quid
tale desideres, aquam impetrabilius a pumice
postules. Quibus hi momentis inducti sic de
Marmore statuunt, me nescire profiteor, cuius
non tam acutae nares, ut dubitationis huius ve-
stigia valeant olfacere. Sed homines novi. Hi
dubitant de omnibus, vel dubitare se, simu-
lant, sive quod pudet, rogatos se nescire ali-
quid, fateri; seu quod in talibus quidquam
fortasseprehenderint, quod cum praeconce-
ptis animo opinionibus parum amice conve-
niat. Atqui mallet, quid in marmore sive
genuino, sive supposito, contineatur, edocuis-
sent, quod tamen neminem eorum fecisse, con-
stat.

Et sane historiae temporum, et veteris τῆς
γεωγραφίας, et graeci antiquissimi sermonis, et
praeae τῆς ὀρογραφίας quisquiliarum, et genti-
litis religionum oppido eum perdoctum fuisse
oportuerit, qui novi plane generis monumen-
tum tanta cum felicitate, verique specie com-
mentus sit, ut a nemine, vel nasutissimo, aper-
tae falsitatis redargui possit. Neque haec dici

a nobis ideo putes , quasi telam retexeré pigeat , quae tanto nobis labore stelit. Veritati unice litamus. Qui monumenti posthac certis argumentis falsitatem ostenderit , huic gratias et agemus , et habebimus , et vero , si possumus , referemus etiam. Sed lite hactenus iniudicata , immo ne intentata quidem , melior esto conditio possidentis. Et si adiudicari quoque deinceps intentantibus contingat , nec idcirco laboris nostri poenitebit , qui in re etiam falsa nihil attulimus , quod solidae eruditionis emolumento qua qua versum repugnare videatur. Nunc rem nostram adgredimur.

Marmoris ἐκτύπον e tabella aenea accurate expressum , quo maiori lectoris commodo inserviremus , ultimo loco de industria exhibendum curavimus.

Supplementorum indicia , ut vides , formae characterum minores. Quo marmoris tum versioni, cum expositioni multo magis paratior sit via, grammaticorum in primis tricae nonnullae expediendae sunt.

1. Spiritus densior insinuatur ἀρχαῖως per notam F.

2. A pro E , Dorensium ingenio. Sic Πομυλαχῦ pro Πομυλεαῦ, et ver. ultimo ἰαχῦ pro ἰσαν.

3. Pro Ω interdum O simplex , Aeolice , et v merum pro diphthongo ou , ut in voce eadem Πομυλαχῦ loco τῆ Πομυλεαῦ. Et βυκίας pro Βουκίας , idest *Bucas* , oppidum Frentanorum. Qua in re duo notanda. 1. *Bucas* antiquitus , seu *Biciās* , πληθυντικῶς , non *Bucam* , seu *Byciam* , dictas , ut *Herdoneas* , minime *Herdoneam* , quod alibi observatum. Perperam idcirco 2. eos erroris insimulari , qui post , pro *Buca* passim recepta , *Bicam* dixere. Quin βυκία , prae *Buca* , sincerior habenda , utpote antiquior. In v. item ultimo βυ pro βδυ , voce decurtata , quae red-denda βδυσι , ut loco suo palam fiet.

4. Ad v. 2. το ΗΑΡΑΣ cave , ne pro voce una accipias. Dispesce in duo , idest Γ , et 'ΑΡΑΣ. Fuit autem Γ olim graecis *ipse* , unde

οὐ in gignendi casum , μὴ in accusandi. Consule Schrevelium in voce utraque. Ἀρξ , ας , ut tironibus notum , est *prex* , seu *votum* , cui opposita ἡ ἔκαστα , ας , *imprecatio* , *Dirae*. Utrumque ab ἀραομαι vel ἀρωμαι , *vota facio*. Caetera generis huius , pol morosa , per viam , prout se occasio dederit , sobrie perpendentur , quo lectori fastidium minuatur.

Epigrammatis interim haec latina interpretatio , de qua iudicent eruditi , moneantque amice , si quid aliter visum.

Jupiter Eleutherius ,

Ipse , qui Frentanorum Commilitonum vota
Novit una mente suscepta.

Quandoquidem (quod felix) Anxano, Pallano,
Anxanto Bycias , Romuleas ,

Et arcum Ortoniatium ad litus adiacentium :

Et Aterno , et Pherento , et Aetio

In omnibus consociavit penitus Cluvias ,
Et Sarantanorum Pentrorum Conciliabula ,

Et Audi , Giryliis , Phisii ,

Et Italorum Trinii accolarum omnium ,
Et omnium Senelensium et pagos , vicosve :

Universi Patriae amatores heca-
tomben sacram bobus XLI. fecerunt.

Nunc singulorum, quoad per vires licebit, reddenda ratio, ne quid temere dictum putetur.

Mihi minime dubium, contineri titulo hoc Frentanorum *vota* pro foedere quodam inito inter sese, libertatis causa asserendae, Iove Eleutherio auspice, et vindice. Cuius foederis partes primae concedendae sine cunctatione sunt Anxanianis cum Pallanensibus, et Anxantinis. Verum qua tempestate, quave occasione, et in quos foedus huiusmodi peculiare initum, id paullo altius repetendum. Quod antequam exequamur, pauca praemonenda de graeco marmoris incessu, habituque.

Romanellius, vir originum suarum studiosissimus, nullum se apud Frentanos invenisse testatur graecitatis indicium. Quod si de graecis Coloniis mediterraneis in Frentanos deductis intelligatur, ut idem insinuare videtur; ei profecto minime repugnabimus. Et *mediterraneis* de industria dixi: nam de *maritimis* est dubitandi locus. Certe Ortonia, urbs maritima, graecam nomine ipso prae se ferre originem videtur. Verum de his videant hi, quorum interest, quique otio fruuntur beatiore. At si de graecae linguae peritia, usuque inter cos-

dem accipiat; ut caetera decssent argumenta innumera, marmor hoc unum, quod est in manibus, testimonium contra diceret luculentissimum. Et non pauca Oppida Marmoris huius, vel ipso nomine suo, nonne graecam prae se ferunt manifestam originem? Nec apud uenos Frentanos, sed per Italiam universam dudum ante Bellum Sociale, graecum sermonem fuisse pervulgatum, is ignoret, necesse est, qui de Patrum nostrorum historia literata ne fando quidem audierit. Nec sine causa bellum hic sociale memoratum: nam tumultus huius occasione et foedus inter Frentanos conciliatum, et marmori publice consignatum fuit, uti mox ostendetur. Sed occur, inquires, non latina, aut osca, sed graeca potius dialecto celebratum? quippe belli samnitici numi ore osco passim loquuntur. At ego factum, aio, in romanorum praecipue odium, contra quos Italia fere omnis conspiraverat. Et graeci porro sermonis usus, praeter osco, latius patebat, et ad rem sibi propositam multo opportuniior habitus. E diverticulo nunc in viam.

Samnites in *Caudinos*, *Saricenos*, sive *Caracenos*, et *Pentros*, olim divisi. Nam Hir-

pini, Samnitium proles, iure suo, arbitrioque fruebantur. *Frentani* ad *Pentros* relati, quorum facile caput *Bovianum*, *Frentone*, unde illis nomen, *Aternoque* fluminibus terminabantur. Anno V. C. 472. Samnites *Pyrro* adhaeserunt in bello adversum Romanos. *Frentani* contra anno V. C. 528 cum Romanis steterunt contra *Gallos*: et in bello altero *Punico*, *Annibali* infensi, una cum *Mærsis*, *Pelignis*, *Maruccinis*, *Vestinisque* pugnarunt pro Romanis. In Bello tamen Italico, persona demum deposita, inter primores classicum cecinere in Romanorum excidium. Nunc si belli huius tempora omnium calamitosissima excipias, nullum praeterea aliud in tota romana historia tibi praesto erit, quocum foedus hoc quo quo modo componas: Confecto quippe Bello Italico, eccui post illud assignes? Ante bellum vero sociale, Italici universis sanctum erat, romanorum iussa, sub honesto *Sociorum* nomine, et fideliter excipere, et religiose exequi. Ad haec tituli ipsius ἡ εὐτονομία Iovi Eleutherio inscripti, exerta voce clamat, nonnisi ad tempora isthaec illud, aliaque eius similia, si quae sint deinceps proditura, referri posse. Nam foederum eiusmodi non

unicum hoc putandum est extitisse pro tempestate illa exemplar. Sed belli exitus, et res denique romana superior, ut caetera in nihilum abirent, vi, metu effecerunt. Fatoque Frentanorum bono tribuendum, ut foedus hocce suum in ipsis belli exitialis cladibus, ac ruinis, ruderibus inmixtum tamdiu sub terra delituerit nulli notum, ut sartum quasi tectumque post secula tot ex inopinato ad nos pervenerit. Nec enim tuto, palamque asservare illud Anxianenses potuissent post belli exitum.

Et satis haec fortasse videri queant, si grammaticae unius, et τῆς χρονολογίας ratio habenda foret. Verum enimvero et ἡ γεογραφία vetus, historiae oculus alter, et *res sacra*, qua de agitur in primis, nam titulus sine haesitatione de *Sacrorum* genere est, quidpiam desiderare praeterea videntur, quod praestare aliter non posse, video, nisi rem omnem κατὰ τὴν περιοχὴν ἐκαστην iterato aggrediar. Itaque

1. Ἐν ἀρχῇ ὁμονομία ἀλώσας εὐρανὸν Φρεντανῶν Συμμηχαν. Est ὁμονομία in dandi casum. Heic tamen ἐπιρρηματικᾶς, idest adverbialiter accipiendum, subintellecta praepositione *syn*, aut *en*; nec enim constare aliter ἢ συνταξίς posset.

Ἀλῶσας, uti est per nos restitutum, doricè pro Ἀλῶσας, repete ab ἄλωμι capior, *suscipior*. Et recte *vota suscipi, nuncupari* dicantur. Idcirco ἄρας αλῶσας *vota concepta* interpretati sumus. Εὐραν autem est, *qui invenit, deprehendit*. Nos vim, non literam sequenti, reddidimus: *qui novit*, vel si inavis, *suscepit*, et ad Iovem Eleutherium retulimus.

2. Το Βουλῆτω Ἀνέχων Πάλλων - Ἀνσχυρ-
τας Βυκίας, Ρομυλας - καὶ Ορτονίς τοξὸν ἦονε
σταγτων - Ἀτερων, καὶ Φορωντ. Particulam τό seu-
accipias ὕλικως, prout in marmore legitur, seu
pro τῷ, ut Ρομυλας pro Ρωμυλας, perinde
est: valet enim *idcirco, quandoquidem*, aut si-
mile quodvis aliud. Loco huius, Latini in mo-
numentis libentius utuntur particula *quod*. Βου-
λῆτω in dandi casum vim etiam habet adver-
bii, eoque insinuat quidquid *pro voluntate*,
seu *ex voto eadit*. At in *re votiva*, qualis haec
nostra, Latinorum formulae illi sollemni respon-
det, quae est: *Quod felix, faustum, for-*
fortunatum siet. Et bene habet: quandoquidem
de accessionibus dicendum fuerat, quae primo
huic foederi factae sunt deinceps.

Ἀνέχων. Nobile Frentanorum Oppidum, nunc

Lanciano. Παλλανοῦ item Oppidi meminit Tabula Peutingeriana statim post *Anxanum*. De *Axantinis populis* commemorat Plinius, eosque inter Marsos enumerat. Anxano deinde, Pallano, et Anxanto foedere consociantur Byciani, Romuleenses, et Ortoniates, quibus a iaculandi peritia commendatio singularis arcesitur. Nisi τὸ τοξον velis μεταφορικῶς accipere pro *vi*, seu *potentia*, quo sane sensu in Scripturis sanctis saepius usurpatur *arcus fortium*. Sed in casu nostro sensus literalis tutior. Quo posito, unde nupero, ut volunt, tituli huius auctori notum, Ortoniates olim *arcu* praestitisse?

Βυκτι. Sic olim, non *Buca*, quae consecutis inde temporibus est relinquenda, et πληθυντικῶς, non singulari numero, ut *Herdoneae*, non *Herdonea*, quod nos docuit marmor Aeculanense celebre. Iniuria igitur, qui *Bicam* pro *Bucam* post scripsere, hi erroris insimulantur. Corrupte et *Buba* quoque nuncupata. Obviat in Itinerariis, civesque *Bucani* appellati, quorum frequens in marmoribus recordatio. Urbs maritima percelebris, quae, ut Romanellius solide coniicit, eo olim stetit, ubi hodie *Pen-*

na. Ptolemaeus sine nucleo assignat Frentanis cum Anxano, Larino, Tiferno, et Histonio. Quae oppida ius est interrogare, Histoniumque praecipue, ecurr in marmore nostro sileantur; cum interim in eo Romulea memoretur, longius a Frentanis posita? Id, nisi vehementer fallor, marmoris τῆς ἀποδείξεως una, ac historicae veritatis indicium certissimum extat. Nam si illud saeculi huius nostri initio a vetere quovis de industria confingendum fuerat, is haud ita facile Theaten, aliaque Frentanorum oppida nobiliora praeteriisset: et notis potissimum Itinerariis insistens, Bucae, Anxano, Ortoniae, Aterno vel Histonium adiunxisset. Plinius profecto (1), quo uno exemplo contentus ero, sequitur, inquit, *regio quarta gentium vel fortissimarum Italiae. In ora Frentanorum a Tiferno flumen Trinium portuosum. Oppida, Histonium, Buca, Ortona, Aternus amnis* (hic puto corrigendum, *qui et Amnis*, quo intelligatur, *Aternum* et *oppidi*, et *omnis* nomen fuisse). Quod idem narrat Mela, etsi ordine inverso, nam ab Aterno progredi-

(1) Hist. Nat. Lib. III. Cap. 12.

tur ad Tifernum. Cur itaque, Buca recensita, quae Histonium inter, et Ortoniam iacet, de Histonio altum silentium? Nimirum marmori Anxaniano, quod res erat, dicendum fuerat foederis initi tempore, quo oppida praetermissa aut pro Romanis adhuc stabant, aut haerebant, aut alia inter sese, seorsum ab Anxianis, foedera instituerant.

Rogandi quoque heic ius est: eccur marmoris auctor, cum in caeteris fere oppidis, fluminibusque computandis, receptis passim illorum nominibus utatur; in *Buca* una cienda, et τῷ ἀριθμῷ, et τῇ ὀρθογραφίᾳ a consuetudo more recedat, *Byciasque* dicat pro *Buca*? *Bucam* profecto habent, non *Bycam*, *Byciasve*, et Itineraria, et Plinius, et marmora demum omnia hactenus nota, quibus adcomodare rem suam religiose veterator curasset, si lectoribus illudere, atque imponere propositum fuisset. Sed *Buca* sine dubio, qua aetate marmor fuit exaratum, nondum romanam indepta fuerat civitatem, qua illam post aetas consecuta donavit. Nam in hoc, ut de Itinerariis, Scriptorumque genuina τῇ ὀρθογραφίᾳ dubitare velimus, certe dubium omne excutient

marmora, in quibus diserte est *Buca*, et *Bucani*, quae olim *Βυκίας*, et *Βυκιαγους* fuisset, necesse est.

Ρομυλας dictam arbitror *Romuleam*, nunc *Bissaccia*. Cluverius Hirpinis adsignat. Cur Anxanianorum foederi, etsi haud modice ab Anxano distans, accessit? nisi penitior alia lateat causa, peculiari id Romuleensium odio in Romanos tribuendum, a quibus indigna multa anteactis temporibus sustinuerant, quae te historia romana facile doceat.

Ορτονια. Vetus oppidum non incelebre. De eo vulgata omnia, quae afferri possent. Hodie *Ortona a mare*, ut a suis cognominibus distinguatur.

Ατερνος. Oppidi iuxta, amnisque nomen. Hic stat pro *Oppido*. Nunc *Pescara*.

Φοραγτος. Dorice pro *φορεντος*, vel *Φερεντος*, a *Phoro*, Frentanorum flumine, sic nuncupatus. Latinis fuit *Ferenta*, aliud a *Ferento* prope Venusiam, quod Horatius *humile* vocat, multoque magis a *Ferentino* Hernicorum secerendum.

3. Αετιφτης παγτογομοιτο κινοντας Κλυουιας. Aetii restitutionem debeo Frontino, qui de eo

sic: *Aetium. Municipium. Coloniae vel Familiae Imperatoris Vespasiani iussu acceperunt.* Locus equidem corruptus, sic forte sanandus, interpungendusque, ut Frontinus, cui debeo plurima, et ipse mihi debeat aliquid: *Municipium. Coloni, vel Familia Imperatoris, Vespasiani iussu, acceperunt.* Quo intelligatur, Aetium, ante Municipium, Vespasiani iussu, traditum, assignatumque *Colonis*, seu *Familiae Imperatoris*; quae nimirum Familia, hoc ipso assignationis privilegio dici *Colonia* posset, et esset revera talis.

Vocem *παντογομοιτο* divide bifariam, *παντογ* nempe, et *ομοιτο*. Est autem *ομοω*, *ομῶ*, *in unum coire facio*, *alteri alterum adiungo*. Sed *ομοιτο* Dorice pro *αμοοιτο*, imperfectum, ut *Θαιτο*, vel *Θεσιτο* pro *εθεῖτο*. Quod autem *Κλυουαι* foedere, ex animo, adiunctae fuerint oppidis adhuc recensitis, id Frentani commilitones Iovi Eleutherio acceptum referunt.

Τας Κλυουιας habeo pro *Cluviis*, Frentanorum, quondam oppido munitissimo, de quo nonnulla alibi per nos delibata. Coloniam eo fuisse deductam, suadet figlina haec, hactenus fortasse inedita, quam debeo amicissimo Ravizzae.

MAX. FIG

COL. CLV

Et mihi fere certum , *Cluvias* olim , dictas deinde *Clibes* , vcl *Clubes* , pro *Cluves* apud Frontinum , V nimirum commutata in B , quod nemini novum , ut *Bobianus* , et *Vevianus* pro *Boviano* , et *Baebiano*. Frontinum audiamus : *Clibes*. Ager eius , *Lege Iulia* , est assignatus. Finitur , sicut ager *Bobianus*.

4. Καὶ τῶν Σαράντων Φεντρίων συνοδία. Recte *Sarantes Phentrii* , qui Latinis *Pentri* sine aspiratione. Nam nec *Sarantes* omnes *Pentri* , et *Frentani* porro etsi ad *Pentros* referantur , non tamen *Pentri* omnes *Frentani* , quorum se auspiciis foedus hoc singulare tuebatur. *Sarantes* autem ita nuncupati a *Saro* amne , qui nunc *Sangro*.

Vocis *συνοδία* nulla in titulo nec vola , nec vestigium , ut aiunt. Spatium tamen in relicto positum nihil vetat , quo minus eam percommode admittat. De cerebro , inquires , hoc tuo. Fateor. Cave tamen cerebrosum dicas. Nam post oppida celebriora hactenus recensita , continenter de τοῖς συνοδοῖς , idest *Conciliabulis* , iniecta mentio. Veteres per *Oppida* , *Fora* ,

Conciliabula, *Pagos*, *Vicosque* habitabant. *Oppida* nuncupata, quae muris munita. Alter ab oppidis locus erat *Foris*, quae deinde con-
 sequebantur *Conciliabula*. In *Foris* coibant
 agrestes, nundinarum causa (1). *Conciliabula*
 pluribus constabant *Pagis*, ut *Pagi* e *Vicis*
 coalescebant; nam *Vici* partes *Pagorum*. Sui
Conciliabulis erant Magistratus proprii, qui ius
 dicebant. Nec placet, quod Servius ait, fuis-
 se *Conciliabula loca nundinationis*, quae
Praetores in Provinciis indicere solebant. Ius
 quippe erat Praetoribus, nundinas in *Concilia-*
bulis indicere: sed non hoc ipso *conciliabula*
 fiebant, ut Servius insinuare videtur; quae
 iam ante erant, et dicebantur talia. Multoque
 minus *Conciliabula* cum *Nundinis* confunden-
 da sunt, quasi si res una, eademque fuerint,
 solo nomine secernenda. Alioqui cum in Aere
Anxiano mox referendo *Nundinarum locus*
datus dicatur *Conciliabulis* quibusdam, eo
 nihil amplius edoceremur, quam *locum nun-*
dinarum datum fuisse Nundinis, quod de ni-
 hilo est. Disce nunc foederis Frentani *Conci-*
liabula socia.

(1) Vid. Tab. Her. pag. 398.

5. Καὶ τῶν Αὐδῶν, Γερυλῶν, Φισίων. Atqui *Audus*, et *Phisius* Anxanianorum *Conciliabula* sine controversia extitere. Testem do, in quem mutire, nemini ius est. Aēs nempe Anxianorum paullo supra memoratum, quod tale est:

L D

ANXANUM
EMP. FRENT
L. ARIO
ET. M. GAVIO
COS

NVND
CONCILIAB
FISIO EUSAN
FELTRO ROTAE
TILIO ET AV
DO

D D

Fisius itaque, atque *Audus* duo de *Conciliabulis* sex, quibus *Decurionum* Anxianensium decreto *locus nundinarum* datus. Quid ad haec Romanellius noster? De *Conciliabulorum* sex carcere quadrigam *Virorum* effudit, qui *annonae* praeessent. Atqui nihil hic cum *III viris* *annonae* commune. Quenam praeterea, *III virum* horum nomina? Nempe *Fisius*, *Eusanius*, *Feltrus Rotae Filius*, et *Audus*. Atqui in marmore est *Tilio*, non *Filio*, ut Romanellio in mentem venit, ut inde musarum

ingratis *Feltrum*, nescias quem, extunderet, *Rotae Filium*.

Quod si *Fisius*, et *Audus* Anxianorum se produnt *Conciliabula*, cur non idem de *Giryli* cogitandum, quod in titulo Audum inter, et *Fisium* mediat? Anxianis igitur, praeter *se-na* in aere recensita *Conciliabula*, fuit et *Girylis*, quod nunc primum scire datum. Quae ideo dico, ut ne *Girylim* Anxianorum cum *Cerili* Brettiorum confundas, quod et *Cerillam*, et *Carillam* plus vice simplici nominatum in Itinerariis videas, alibique.

6. Καὶ τῶν παντοταλίων Τριγυῶν, καὶ τῶν παντοῦ Σεαλῶν. Post Oppida, et *Conciliabula* huc usque enarrata, suus demum locus fuerat *Pagis*, *Vicisque* tribuendus, quos omnes summam indicatos opinor sub Italorum universorum ad *Trinium* flumen accolentium nomine; tum et *Senello*, flumini alteri, adiacentium. Longum quippe erat, singulos enumerare. *Trinii*, si Romanellium audis, unus Plinius meminit. Sed Plinio in hoc multo ante praeciverat marmor Anxianum.

Σεαλῶν. Dorice pro Σεελλῶν, aut Σενηλῶν. Fluminis nomen antiquum, quod nunc primum

didici. Hodie *Senello*, veteris vocabuli vestigiis adhuc in ore vulgi perennantibus. Ex quo intelligitur, syllabam alteram *Σενελλων* esse producendam. Fluminis origo ad Montis radices, qui vulgo *Morrone*, fluitque Teaten inter, et Ortoniam.

7. Οἱ πάντες Φιλοπατριδες ἐκατομβην ἱερῶν Βυμα ἐτέλεσαν. In prioribus nihil extra est oleae durum, si animo recolas, quae disputata superius sunt. Ad vocem *Βυμα* haesi dudum. Quippe nihil usquam de ea elicias, si pro voce una integra, aut integrandae initio accipias. In duo idcirco dispescui, ausus nonihil, quod nemini ἀτοκον videatur, et quod extorquere res ipsa videtur, de qua agitur. Nimirum in *Bv* pro *Βου*, voce decurtata, quadratariorum de more, quae redintegranda in *Βοῦσι* *bobus*; et *Mx*, quae nota numeralis graecorum vulgatissima = *XLI*. De sigla *Bv* hoc amplius. *Bovem* una initiali *B* non semel insinuatam videas in Fratrum Arvalium Tabulis celebratissimis. *Sacrum* ergo Frentanorum totum bobus uno supra quadragesimum constitit, quo propius ad τῇν ἐκατομβην accederet.

Vocem detruncatam... αν auspicatius ἐκατομ-

βαν, quam ἀραν, redintegrandam duximus, quod vacuo adamussim respondet, et suggerit Homerus, cui perpetuum fere, τῇ ἑκατομβῇ τὴν ἱερὰν adlicere (a).

ἱεροὺς κατὰ βομούς

Ἐρδομεν ἀρχατοῖσι τεληεσσας ἑκατομβας:

Hecatombas faciebamus Diis ad aras sacras immortalibus.

Nec enim ἡ ἑκατομβῇ stricte semper stat pro numero centenario bovm iminolandorum. Nec te moveat, ἑκατομβαν dorice terminari, quam ἑκατομβην dici oportebat, qui meministi paulo superius Σεγαλαν dictum pro Σεγηλον. Verum cum sententia satis aliunde per se certa sit, nolo per incertas Grammaticorum ambages, Scholiastarum de more, sine causa vagari. Frentanorum profecto foedus, et foederatorum multitudini par, et pro rei gravitate, periculique magnitudine, minime indignum. Et numero impari facile in *Sacro* Frentanos usos fuisse, reor, quod

(a) Il. B. v. 305.

numero Deus impare gaudet.

Nemini porro novum , foedera antiquitus hostiis praecipue caesis sanciri , consecrarique consuevisse.

Hae nunc veteratoris , nescio cuius , Ligorii de grege , technae merae ? Quae si tanti starent semper molitoribus suis , et nullae uspiam extitissent insidiae tales , et nullas potshac futuras , iam nunc confidentissime denuntiarem. Atque equidem tantumne monumenti , et simplicissimae maiestatis plenum , et inauditi hactenus generis , et tanta cum priscae historiae consensione , et veterum locorum suis cum nominibus peritia , et rerum sacrarum scientia , et Dorica , non alia , usus dialecto , vir alioquin bonus , et animo concepit , et lapidi molis haud exiguae insculpendum curavit ! Quod deinde diffractum in partes duas , et utroque latere imminutum , inter ruderum moles iugentes alte abdidit , composuitque , olim , nescias quando , defodiendum , inqué Incis auras erupturum ! Apage nugas nugarum omnium , quotquot erunt , quotve fuere , nugacissimas ! Hicque finis esto insuetae-huius , pleneque liberae Legationis , etsi nulla impendiae privatae remis-

sione; quod iam nunc praesentio, nuperis quibusdam Diariorum consarcinatoribus, ipsorumque asseclis, minime probandum.

§. IV.

Suspiciones de marmoris sinceritate in medium prolatae dissipantur.

Sed quibus permoti indiciis quidam de marmoris sinceritate dubitarint, tandem aliquando prolixè rescire, datum est; quae quanti sint facienda, instituti ratio postulat, ut videamus.

Pudet in primis dicere de characterum forma novitia, quam sibi quidam videre visi sunt in tituli scriptura. Nam characterum forma et satis archaica, ut cernere potissimum est in litera Z, et Φ quadrata; et aetati plane consentanea, qua illum exculptum fuisse, evicimus; quod patet etiam ex accentuum, spirituum, punctorum, intervallorumque defectu. Piget de syntaxi commemorare, quam causantur ut minus congruam. Qui haec causantur, aut graeci sermonis penitus ignaros se produnt, aut titulum ne legere quidem sustinere. Nam,

qui historiae consensum in eodem desiderant, quid de his pronuntiem? Hi nempe nec illius tenorem alio intenti sunt assecuti; vel ab eiusdem aetate longis itineribus deviarunt, ad quam referri ipsum oportebat. In marmoris conditionem ipsam, sive qualitatem, ut vocant, nasum suspenderunt, hanc obiiicientes aliam omnino extare a caeteris Anxanianensium marmoribus vulgatis. Sed quaenam denique haec nova marmoris species? Ipsismet fatentibus, subnigri coloris, qualis in locis finitimis, et in montibus praecipue *Roccae rasae*, passim obviat, et vulgo dicitur *Lumachella*. Idne nunc tutum monumenti falsitatis indicium? Nempe, inquiunt, quod recens id marmoris genus detectum, quod antiquis ignotum. Atqui hoc ipso et antiquis notum dicere, necesse fuerat, quos haud facile latebant, quae ipsi scire uni putamus; et tituli nativam, minime fucatam, originem confirmat. Verum enimvero eorum, qui haec in medium afferunt, nemo unus quod incredibile videtur, quid in marmore, sive genuino, sive commentitio, continetur, edocuit, quod fieri ante omnia oportebat, si aequo Iove de illo statuere fuisset institutum. Adco omnes

hoc in genere hospites, et advenae, ut disrupti tituli membra Neapolim mitterent, inde rei omnis, iudiciiue exitum pronis auribus excepturi.

Sed titulus, reponunt, iudicum urbanorum sententia, causa excidit. Quinam hi iudices? Vix unus cietur, aut alter; hique, etsi caetera docti, neque graeci sermonis scientia, neque των κειμηλιων eiusmodi usu satis conspicui. Et os praeterea oblatum tale profecto non erat, quod facile adrodi dente quovis potuisset. Suis deinde intenti, de hoc minime, vel parum solliciti ἀποκριφον, ut curis liberarentur, edixerunt, idem facturi, si in Tabulas olim Heracleenses primi iucidissent.

At hercle non ita de monumento nostro sentiunt Carcanius, Pessettius, Cyrillius, VV. CC. Collegaeque mei, ut de inferioris subsellii iudicibus sileam, qui illud admirantur, atque exosculantur, et qui de illius fide dubitant, hos laevo sidere natos pronuntiant. Est enim vero in τῇ ἀντιγραφῇ ad nos perlato aliquid, in quo nonnemo haeret. Sed malo huic, marmore αὐτογραφῇ sublato, nostrum ultra non est aliquid opis afferre.

Anxianenses autem plerosque video a marmore sibi timere, ne forte graecae se originis prodant. Nam ideo confictum ab auctore suo autumant, quo graecitatem in ipsos induceret. Atqui metus non erat talis, qui caderet in viros sapientes, quod una hirundo non facit ver. Ubinan gentium graeca non deprehenduntur vestigia aliqua? et marmor Anxaniense ea elaboratum tempestate fuerat, qua graeci in Italia id doctrinae, eruditionisque laude dudum ante erant adsequenti, quod romani armis, regnandique artibus. Nimirum Graecia capta ferum victorem ceperat, et artes agreste induxerat in Latium. Anne quod per Gallias, Germaniam, Hispaniam romani undecunque occurrunt tituli, Galli idcirco, Germani, Hispani romanae originis censi? Quod graeca, non alia dialecto, ea occasione Anxianenses titulum inscribi curarint, praeter allatas paullo supra coniecturas, haec quoque minime praetereunda videtur, quod in causa libertatis publica Frentani Graecorum praesertim se aemulatores, imitatoresque praestitere, qui olim libertatis suae propugnatores acerrimi, et laudatissimi habiti fuere. Cuius rei argumentum certissimum videtur titulus ipse

Iovi Eleutherio inscriptus, Sed iugulum petamus.

Cur Ligoriana commenta et serio expenduntur, et iure a doctis viris exilio multantur? Quod nempe Pyrrus ille horum et artifex vafferimus extitit, et qui eruditis fucum facere, et negotium facessere, sine controversia idoneus erat. Quid nunc tale de viro bono, quem marmoris Anxianensis opificem vulgo praedicant, quem alias novi accuratissimum in titulis quibusdam exscribendis, quorum mihi exemplaria asservantur, de lapidibus membranarum chartacearum ope expressa? Nempe is tantum non unius graeci alphabeti plane rudis, et antiquitatis non omnino novitius homo taxatur non ab iis modo, qui iure illi paullo infensiores sunt, sed a viro ipso candidissimo Paschali Liberatore, supra laudato, illique adfinitate coniuncto. Sed a technis huiusmodi minime abhorrebat vir iste, caetera bonus. Iure idcirco, reponimus, et nonnulli ei paullo infensiores, et ipsi nos non iniuria succensemus. Sed sunt sui mendacio, calumniaeque fines, de quibus criticae sanioris est, cognoscere, et statuere. At in hoc, de quo agimus, nec si maxime voluisset, illudere potuisset eruditis, atque imponere vir, omnium iudicio,

ingenio atque eruditione ad id comminiscendum idoneis destitutus. Non unum ego Mazocchium, plures etiam Martorellios, aliosque viros tales provocem, qui talia ac tanta et possint, et audeant. In genere saltem faciliore, atque usitatore, haud novo penitus, inauditoque, artis suae periculum fecisset veterator noster!

§. V.

Variorum spicilegium.

Placet heic memorare fragmentum figulinum Aeclanense recens inventum, cuius forma rotunda cervum fugientem in medio exhibet, addita ad imum voce TOTPAN; et gemmam cum titulo: PAMΦIA. Nec iniucundum fuerit, titulum afferre, facile ineditum, quod columellae lapideae inscriptum prostat in Aedibus DD. de Susanna oppidi Zuncoli. Columellae altitudo palmorum quatuor, diameter nalmi trientes duo:

IMP. CAESAR
 MAXENTIVS. P. P.
 INVICTVS. AVG.
 PONTIF. MAX. TRIB.
 POTESTATIS. II. VIAM
 HERCVLEAM. AD. PRI
 STINAM. FACIEM
 RESTITVIT

Conferatur cum alio titulo simili alibi (a) a nobis relato. Nota numerica II lineae quintae haud satis certa, ut inde decernere possis de certo marmoris anno. Caeterum notum cuivis, potestatem tribuniciam Maxentii ultra biennium trahi omnino non posse.

Haec inter, Amphitheatri Acclanensis reliquiae magnificentissimae subruuntur, in nihilum perpetuo abiturae. Lapidum quadratorum moles ingentes cum operibus inferne reticulatis, superne lateritiis, elegantissimis, ianuaeque australis pedaturae vestigia, una mecum et vidit, et admiratus nuper est V. C. rerumque eiusmodi iudex consultissimus, Nicolaus Sanctangelus, Provinciae Dauniae Rector bene

(a) *Alcuni Monumenti antichi eclanesi spiegati.*

merentissimus. Coronidis demum loco inserviat
 Commentario huic titulus aeclanensis votivus e
 cippo lapideo per me descripto, qui prostat ru-
 ri prope nemus ad Aediculam S. Petri, ubi
 olim deposita Beati Prisci sacra lipsana. Titu-
 lus est huiusmodi.

I. O. M.

CANONIA. CA. L. HILARA

PRO, SE. ET. SVIS

V. S. L. M

Evidens est, votum solutum a *Canoniam* *Hilaram*, *Canoniam Libertam*; nam si viri illa *Liberta* extitisset, viri huius praenomen merum
 cieri oportuisset, nomine omisso. De gente *Canoniam* cuiusdam *Statutae* meminit Gruterus (1).
 An *Canoniam* haec recudenda in *Canoniam*, nempe cum simplici *e*, non geminata? Mihi utraque pro gente una est. Finem denique faciat marmor aliud Aeclanense nunc primum per nos inspectum apud Pratillium:

(1) Pag. 895 n. 12.

	P. CLAVDIUS. P. L	
O	VALENTINVS	S
H	ET	S
	M. CLAVDIVS	
	FRATER	

Ad finem properanti marmor graecum, Rhègii effossum, visendum obiicitur ab Equite ornatissimo, eruditissimoque, Nicolao Santangelo, quod ita decurrit :

ΣΕΚΟΥΝΔΙΩΝ ΜΕ
 ΤΑΤΗΣΦΗΛΙΚΛΑΣ
 ΚΑΙΤΗΣΛΕΩΝΤΙ
 ΔΟΥΤΥΓΑΤΡΟΣ
 ΓΑΤΚΥΤΑΤΗΣ.ΕΙ
 ΤΙΣΕΠΑΝΟΘΕΝ
 ΣΙΤΕΘΗΝΑΙΔΟ
 ΓΟΝΑΠΙΟΔΟΣΙΕΙΣ
 ΤΟΜΕΛΛΟΝ

Divido sic: Σεκουνδιαω με-τα της Φηλικλας-και της Λεωντι-δος τυγατρος - γλυκυτατης. Ει - τισ επ' αν ο θελη-σι τεθηναι, λο-γον αποδοσι εις - το μελλον.

Notandus ad finem lin. 6 nexus characterum λ, et η. Vocem porro ipsam θελησει puto pro θελησει sculptam, ut ad lin. penult. αποδοσι

pro ἀποδοῖσθαι. Forma sigmatum lunata. Lunata item E cum lineola in medio ; quae inter festinandum non licuit typis repraesentare. Ita nunc reddiderim:

Secundio cum

Felicula ,

et Leontide ,

Filia

Dulcissima. Si

*Quis postea huc prae-
sumpserit inferri , ra-
tionem reddet in
futurum.*

Ex quibus verbis posterioribus sollicitudo apparet Secundionis cum Felicula uxore, et Leontide filia, ne quis in suum sepulcrum post inferatur, poenamque *in futurum* imprecatur. At quaenam huiusmodi poena? non equidem illi similis, qua certa pecuniae summa violatoribus imponitur, arcae, aut alibi, inferenda. Anne hoc solis *ingenuis* permissum, cum servilem prorsus conditionem prae se ferat *Secundio* cum familia sua? Verum hoc in casu poenae comminatio nihil dicit. Ecquaeis enim Diis, aut hominibus *ratio haec reddenda*

in futurum? Illud veri similis, familiam hanc, servilem licet, christiano fuisse nomine insignitam, hacque de causa ab uno vero Deo *in futurum* exposci poenam, si quis sepulcrum alieni cadaveris illatione post violaverit. Quae tamen omnia caute insinuata ad ethnicae superstitionis invidiam cum persecutionis periculo declinandam. Quo fortasse factum, ut nulla in marmore, alias christiano, τὰ Christianorum σμῆματα consueta insculpi, curae fuerit. Sed marmor superne mutilum, qua parte facile haec olim exarata prostabant.

650554






AD LECTOREM.

Semperne aliena negotia cures ?

ID vero ne mihi iure obtrudas , ecce tibi Inscriptiones nonnullas de penu propria depromptas , ut si quid veterum monumentorum usu assiduo ipsi imitando per occasionem profecimus , experiare. Iudicium liberum cuique sine noxa erit , quandoquidem a nemine nec laudes aucupari , nec deprecari invidiam , est animus. Vale.



INSCRIPTIONES

I.

*Virgini Deiparae , Civitae nuncupatae,
Templum*

A vertice montis praerupto

Campanum hinc agrum ,

Paludes inde Pomptinas prospectans ,

*A Franc. Bonomio Ep. Caiet. consecratum
an. 1824.*

Cui additum Xenodochium commodo peregrin.

At

Quod vetustate utrumque fatisceret ,

Advenarumq. frequentiae impar esset ,

Hoc ampliato ,

Illud a solo excitatum spatiis laxioribus

Elegantius exornarunt

Cives Itrani ,

Stipe conl. Fidelium Cur. Ioh. de Simone

Anno. MDCCCXV.

II.

*Abdita Hypogaei,
Ex insperato in lucem reddita,
Conlegium Sacerdot. Molanorum
Crucis sacrosanctae ligno admirabili
Locupletavit.*

III.

*Templo novis iactis fundamentis
Ad palm. usque XLVII ante solidato:
Sacrarium deinde
Vetustate collabens, mole angustum, forma
Squalens
A solo excitavit, ampliavit, ornavit
Sumptu suo,
Altari addito marmoreo,
Quod sacrae Familiae dicavit
Ioh. Angelus a Porta Ep. Thermopilar.
Magnus Proprior Ord. Constantinian.
Ex Ordine Capucinor.
Abbas Loci.*

IV.

Aedis huius structura ,
Positis olim fundamentis
Cum tholo , ambituq. exteriori ;
Post
Infelicitate temporum
Per annos plurimos intermissa ;
Nunc
Aris , septoque marmoreis , picturis ,
Omni ornatus opere absoluta
Curis praecipuis
D. Mariae Crucifixae Patulliae
Loci Abbatiss.
Carolo Puoti Ep. Allifar. et Telesin.
An. rep. sal. MDCCCXXX.

V.

Aedem ab origine Episcopalem ,
Deinde
Militum hospitio corruptam ,
Ferdin. I. utriusq. Sicil Rex
Pro pietate , munificentiaq. sua
Restitutam , auctam , ornatam
Archiep. Teatino
Adsignavit.

VI.

Turrim,
Aeris campani tinnitu
Fideles ad conventus sacros
Sodalitii Montis mortuorum
Excitaturam,
Ioh. Granata, Prior Sodalitii
Sua, Conlegarum, et bonorum
Stipe.
An. Aer. vulg. MDCCCXXVI.

VII.

Bono iuventutis ecclesiasticae,
Quam
Ad vitae suae partem maximam
Prudenter rexit, fovit amantissime,
Ianuarius Carusius, Can. Eccl. Arian.
Philosophic. mathematicisq. disciplin. illustris:
Ad haec
Morum candore, sanctimonia vitae
Probatissimus,
Amoris perpetui pignus extremum.

Francisco I. Borbonio , Siciliar. Regi.

Quod

Aed. sacram Congregat. Montis Vergiliani

Temporum iniquitate abolitae ,

Et a Ferd. I. restitutae an. 1815. cum

Episcopali addita iurisdictione ,

Iure. postliminii ,

Venerabundus adivit

An. 1826. die Aug. 29.

Cum Elisabetha Coniuge Augusta ,

Suboleq. beatissima ,

Seque cum familia universa

Sacro cooptatum voluit Sodalitio.

Raymundus Morales, Abb. Gen. Congregat.

Ne temporum fato rerum memoria

Deleretur ,

Quantum humana patiuntur, cavend. cur.

An. MDCCCXXVI ,

IX.

Francisco. Borbonio Regi Siciliar.

Qui

Montem Aedis Vergilianae

Mane consensurus cum Domo Aug.

Nocturno primum ; inde repedans,

Diurno , nocturnoq. hospitio laetissime

Exceptus ,

Hospites sibi addictissimos

Complexus amantissime ,

Maiestatis facilitate

Beavit.

Inter haec :

Lustrato Archivio Lauretano ,

Iam tum ab an. 1818. restituto ,

Ferdin. I. Diplomate.

Raym. Morales Ab. Gen. Congregat.

Cum Coenobitar. familia

Libens merito

An. MDCCCXXVI.

X.

Ferdinando I. Reg. utriusq. Sic.

Quod viam Samniticam

De pristino cursu ad Oppid. nostrum

Tramite aequiore, tutiore,

Direxit:

Et aquarum conceptionibus

Ad iusti fontis formam coactis iterum,

Civibus, incolis, accolis, advenis

Auctam praestitit.

Ordo. Populusq. Guardiae Sanframundi

Cur. agentē Rectore Prov.

XI.

Agrum ante salsum,

Detersa silvarum luxuria,

Vitibus, arborib. genus omne pomiferis,

Vere colonum factum,

Cellis vinariis, Columbariis, Moletrinis

Instructum,

Antonius Laurent. F. Casazza

Impendiis suis.

XII.

*Aquarum scaturigines
 Diffuentes
 In agri perniciem,
 Intra fontis ambitum
 Coactas
 Ant. L. Fil. Casazza de pec. s. d.*

XIII.

I.

*Sera malorum pausa.
 Diaeta,
 In qua lacrumas inter, amplexusq.
 Patrum Coenobii huius,
 Torquatus, Bernardi Fil. Tassus,
 Fato concessit VII. K. Maii MDXCV.*

2.

*Eiusdem έκτρογον.
 Olim
 De calescente adhuc vultu
 Viri denati expressum,
 Cristallo affabre conclusum*

XIV.

A X Ω

Annae Mariae Mazziottae,
Dotibus corporis, intra sexum femineum;
Animi, ultra virilem.
V. A. XX. Fato functa Kal. Apr. 1825.
Vir infeliciss. Uxori incomparab.
De qua nihil
Praeter mortem doluit,
Pon. cur.

XV.

L. Andreas, Crispini, F. Martinius,
Domo Felino.
Medicinam professus,
Opportuna corporibus artis praesidia;
Opportuniora moribus aegris
Vitae praebuit exemplo.
Loquendi parcus,
Bene agendi sollicitus,
A muneribus publ.
Ab hominibus prudenter cavit.
Dep. an. 1826. Prid. Non. Sextil.
Annos nat. 78. M. 2 D. 19.
Patriae, Viciniaequae lacrumis,
Decoratus.

XVI.

1.

In funere Fabritii Ruffi
Diac. Card. S. R. Eccl.

2.

Ad valvas templi
Parentalia
Fabritio Ruffo,
S. R. E. Diac. Card.
Vincentius Princ. S. Anthimi Ruffus,
Patruī magni meritorum in se
Non sine lacrumis memor

3.

Ad verticem tumuli.
In pace
Fabritius Licteri Duc. Baranelli F. Ruffus.
Matre Iustiniana Columna e Duc. Spinosi.
Romae nutritus.
A Pio VI. P. M. Praep. thes. publ. Praef. Aquar.
Praef. Paludib. Pomptin. Clanisq.
Praep. Curatorib. Annonae ;
Prior Magnus Eqq. Hierosolymit.
Prior Eqq. Constantinian.
Diac. Card. Tit. S. Mariae in Via Lata ,
Familiae sacr. D. Franc. de Paula Protector
Adsignatus.

4.

Ad latus tumuli dexterius.

A Rege Ferd. I

Cui cariss.

Per vitae fortunaeq. vices omnes

Addictissimus.

Casertae Praep. a cura

Regalium Deliciar. Artiumq.

5.

Ad latus sinisterius.

Nec minus et belli studio,

Fatis urgentibus, actus,

Abs Rege absente

Regno Praep. an. 1799. cum vicaria potest.

Viribus modicis,

Virtute summa, prudentiaq.

Citra spem,

Non ultra tacita bonorum vota,

Regnum Regi suo

Vindicavit.

A parte postica dexteriore.
 Ministerio pro Rege suo
 Cum plenar. potest. Romae functus
 Apud Pont Max.

Dein

Neapolim reversus an. 1804.

Fortunamq. Regis secutus,
 Bonor. publicatione multatus.

Inter haec

Legatus a Pio VII. pro Eccl. negotiis
 Parisios proficiscitur.

Sinistrorsum.

Pace demum orbi ecclesiaeque.

Restituta,

Neap. a Rege sui amantiss.

Arcessitus an. 1821.

Adlect. Min. a Consil. sanctionib.

In pace quievit

An. 1827. Id. Dec.

V. A. 83. Men. 2. D. 27.

*Quoi sic ornari sic vivere contigit, olli
Sat bene. Quam satius, sic potuisse mori!*

XVII.

Pro Punere

Ferdin. I

1.

Ad. dext.

A X Ω

Ferdin. I

Reg. Utriusq. Sicil.

2

Ad laevam

In futurae anastasis

Expectationem.

3.

Ad partem postic.

Per secunda, per et adversa,

Suprema omnia,

Utrique par fortunae.

Vix. an. 74. regnav. an. 65.

O spes hominum fallaces!

Viridi adhuc, integraq. senecta

Raptus ex inopinato

IV. Non Ian. 1825. Dep. prid. id. Ian.

4.

*Manent sua funera Reges !**Discite, mortales :**Mors imminet omnibus ,**Ima summis aequans.**Si bene quis servit, bene regnat. Non bene Regi,**Hac datur excepta conditione, mori.*

XVIII.

In funere Ioh. Danerii.

1.

*Ad valvas Eccl.**Pius accedito mente pia.**Funus publicum**Iohannis Danerii.**Iussu**Francisci I.**Regni utriusq. Sic. et Hierus.**Regis.**An. 1826.*

2.

*Ad Templi valvas.**Adeste boni. Vestra res agitur.**Occidit ille ,**Nulli flebilior , quam vobis.*

3.

In fronte Cenotaphii.

Paci, memoriaeq. aeternae

Iohannis, Ioh. Bapt. Fil. Daneri. Domo Gadib.

Militavit ultro in Class. Philip. V. Reg.

Hispaniar.

Impigramq. ei in Orani expugnatione

Operam navavit.

Maritimo inde itinere Neapolim vectus,

cum Carolo III.

Navali militiae primum sub eodem; deinde

sub Ferd. I.

Postremo sub Franc. I. Siciliar. Regibus,

Fide singulari,

Sine intermissione addictus.

Quod Siciliam contra hostium incursus

tutam praestitit,

A Valliae Princ. strenuiss. tunc temporis

Angl. Regni

Rectore, nunc Rege potentiss.

Ense aureo donatus an. 1813. Adlectus inter

Eqq. S. Ianuar.

Ornatus torquib. aureis Divor. Ferdinandi, et

Georgii,

itemq. Caroli III.

Praef. Class. utriusq. Sicil.

Obiit an. natus CI. M. III. D. XII. Non.

Ian. 1826.

Elatus luctu publico, impendius Reg.

4.

Ad basim Pyramid. dext.

VIII. K. Oct. MDCCXXIII.

Haec prima dies

Mortalem edidit.

5.

Ad basim Pyram. laevae.

Non. Ian. MDCCCXXV.

Haec prima dies

Immortalibus addidit.

6.

A parte Templi dexteriori.

*Consentiae praefuit, Calabrosq. Vltiores
Terraemotibus diu labefactat. mirifice iuvit.*

Messanam iterato gubernavit,

Annonaeq. penuria extrema laboranti,

Supellectili sua argentea divendita,

Quam potuit, opem tulit.

*Vir animi incomparab. simplex, prudens, fortis:
Veri sine fuco, aequi sine ullius respectu,
Religionis tenacissimus.*

*Si nihil extaret tristi hoc iucundius aevo
Sperandum, aeternum hic vivere debuerat!*

7.

A parte Templi eadem.

*Qui cum ditescere honeste potuisset,
Sua in pauperes omnia erogavit;
Qui heredi nil, praeter honor. hereditarium,
Test. reliquit;
Hic regni caelorum hereditatem
Iure adito.*

8.

A parte Templi sinister.

*Dormi, sancte Senex! Non te Mors obruit. Illa
Dulce fatiscentem sed mage consequitur.
Nec quod plenus abis annorum, desinat
usquam*

Hinc desiderium perpetuum esse tui.

Huic,

*Quotquot adestis,
Locum refrigerii, lucis, et pacis
Adprecaminor.*

*

A parte Templi ead.

*Quattuor en Reges firmo tibi pectore semper,
 Immotaque fide, sat coluisse datum est.
 Nil umquam de te terni doluere, Daneri,
 Ex vero doluit quos cecidisse tibi.
 Nec de te quartus doluit quid, praeter id unum,
 Quod fato demum cedis et ipse tuo.*

Sub Viri effigie

Iohannes Danerius. V. an.

Cl. M. III. Dies. XII.

*Annos quid numeras? Animum magis
 aspice. Dices:*

Hic sibi sat, nobis vixit at ipse parum.

Monitum.

*Pro concione laudavit Emmanuel Taddejus:
 Elogiorum funebrium partes Auctori; appa-
 rationis funerariae partes Dominico Cucci-
 nellio impositae.*

XVIII.

Iosepho, Vincentii F. Ravizzae. I. V. D.

Domo Teate,

*Causar. civil. Prov. Teatinae Proc. Generali:
 Prov. eiusd. per omnes tempor. vicissitudin.*

A secretis.

Viro prudentia , modestiaque singulari ,

Poesis cultori assiduo ,

Patriae , suorumq. amantissimo.

Dec. X. K. Iul. MDCCCXXVIII. An. n. 66.

Ianuarius Ravizza. F. P.

Te Fratrem flevi Frater : te flevero. Fratris

Nec doleo mortem , discidium doleo.

Te sequar idcirco : spes haec solatur amantem.

At sequar accitus , ne mihi spes percat.

XX.

Ioh. Casazza. Nat. Sannazarii. Obiit Neap.

Die Mai. 1831. Vix. an. 50.

Ingenio fervens , leges et iura professus ,

Pugnaui , vici , iure , labore , fide.

Cur fucata , virum uxori , natisque parentem ,

Cur immaturum , mors inopina , rapis ?

XXI.

FRANCISCO. BORBONIO

SICIL. REGI. P. F. A.

Ἐν τῇ αὐτῇ ἡμέρᾳ ὀνομαστικῇ.

V O T A.

Praedixi, Ursini TE olim Chironis alumnum(1),
Aeaciden bello, Nestora et arte fore
Regni victurum, FRANCISCE. En verus ha-
ruspex.

Utrumque implesti: votaue res superant.
Quid tibi nunc optem, tua dum, FRANCISCE,
recurrunt

Annua de magnis omina nominibus?
Nil tibi, parce, precor. TIBI nil opus am-
plius. Annos,
Optandum NOBIS, Nestoris ut superes.

(1) De Rege nostro amantissimo, cum adhuc sub Gra-
 viatium Ducis curis ageret, haec olim ominati fuimus
 Eleg. 2. p. 60. Poem. Var.

Thessalus a teneris Chiron educit Achillem,
Unde stat Haemonii fama superba soli.
Non tamen externam metuat, te sospite, famam
Tellus nostra. Uni vix litet illa Jovi.
Nam te cum tener altorem Francisous honoret,
Deque tuo assiduus pendeat ore puer;
Borbonidum regale genus, cui numina magni
Imperium asservant Partenopaea Patris;
Ille vel audacem bello prostravit Achillem,
Nestora vel regni vicerit arte puer.

XXII.

I.

PRO. REDITV FERDIN. II. REG.
VTRIVSQ. SICIL.

*Non hic Alexander redux,
Indorum spoliis, et caede superbus,
Qui nec felix idcirco,
Quod orbem integrum unum nondum
Sibi armis subegisset.
Hic Ferdin. II. Rex noster,
Qui
De suis ad suos, suorum in medio,
Rediens,
Omnium animos comitate, iustitia,
Prudentia, liberalitate sibi devinctos,
In regios Lares avitos traducit.
Ordo, Populusq. Mirabellan. qui olim
Aeclanens.*

Ad d. XII. Kal. Iunii MDCCC.

XXIII.

I.

FERDINANDI. II
REGNI. VTRIVSQVE. SICILIAE
HABENAS. CAPESSENTIS
PROGRAMMA

*Prima Dei cura esto, Patrum de more, colendi,
 Qui, quibus ipse velit, regna dat, atque
 adimit.*

*Iustitiae stet honos. Sint propugnacula Leges
 Imperii. Quisquis Legibus inferior.*

*Non est par humeris, qua plebs miseranda
 gravatur,*

*Sarcina, et est oneris pars minuenda sua.
 Pura fides, et sanctus honos, tibi credita,
 Miles;*

*Nec mage nostra armis, quam tua res agitur.
 De caelo verba ista sonant. Quis rettulit? alter,*

*Qui modo Fernandus, sceptrum paterna capit.
 Demissum caelo sidus, Rex optime Regum,*

*Salve.. O spes populi certa, salusque tui!
 Haec concepta Pater, quem desles, vota fovebat;*

*Magnus et haec animo vota fovebat Avus.
 Invida sed votis mors obstitit! et fuit illa*

*Poenam quidem nostrae debita stultitiae.
 Nunc poenae sat. Maiorum tu perfice vota.*

*Qui dedit, ut cupias, et dabit, ut facias.
 Nestoreamque dabit vitam, prolemque beatam,*

Quo maior nemo te Patre, Rege, siet.

2.

AD EVMDEM.

*Quandoquidem nostris addenda et funera Regum ,
 Et stata sub caelo est meta cuique sua ;
 Ut Fernandus Avi, et Patris nunc funera pensat,
 Pensentur Regum funera perpetuo.*

3.

AD EVMDEM.

*Dulce , suos inter digito monstrarier : Hic Rex.
 Qui tamen hoc tanto nomine dignus , ubi est?
 Scilicet est Regis , sibimet non parcere , ut illis
 Parcat , quos miseros non sua culpa facit.
 Est Regis , proprio , haud alieno lumine , nosse ,
 Quid sibi , quidve suis obsit , et expediat.
 Haec praestas , Fernande , tuae sub flore iu-
 ventae ,
 Vixque oculis credit , qui videt , ipse suis.
 Et caeli munus Regem , iuvenemque fatetur ,
 Qui populi semper credita perniciēs.*

XXIII.

I.

MEMORIAE.

FRANC. XAV. GVALTERI
EP. CASERT. SANCTISSIMI
DOCTRINA. ERVDITONE. MODESTIA
INCOMPARAB.

RAYMVNDVS. GVARINIVS
SERVS. AT. CITRA. CVLPAM. TAMEN
ADMIRATOR.

*Cur Te, quantus eras, sapientum norma,
decusque*

*Pontificum, non ante mihi novisse dederunt
Di, quam te tua mi ignaro maturrima fata (a),
Gualteri, abstulerunt? Dolet id, porroque
dolebit!*

Quantum ex te profecissem, quem non cohibessent

*Nec labor, aut iter, aut demum dispendia
quaevīs.*

De facie ut colerem sancte, noctuque diuque?

Sed Tu quantus eras, quis, nŕ post funera,
nosset.

Qui tanto et studio, et cura celare solebas,

(a) Obiit nonagenario maior.

*Quas tibi mos fuerat peregrinas condere gazas
 A puero, inque dies, horasque augere, legendi,
 Scribendi assiduus, quanto vanissima turba
 Doctorum sua in apricum proferre laborat,
 Quo captet plausus et lucri, et laudis avara?*

*Et quamvis doleant haec, et mihi porro
 dolebunt,*

*Hoc tamen, hoc urit mage: me nunc post
 tua fata.*

*Rescisse, et quanti faceres me tu bonus ultro,
 Et quanti immeritum, notum vix nomine,
 amares,*

*Quo melius quidnam a meliore vir optimus
 optet?*

*Sancte senex, fatear, parcas atque, oro,
 fatenti:*

*Iam placeo ipse mihi. Ecquis enim, te iudice
 dextro,*

*Quis sibi non placeat? Quare tanto mihi
 ademptum*

*Te doleam posthac, quanto dein mi ipse
 placebo,*

*Quem facere, heu! tanti vivens, et amare
 solebas.*

*Salve, sancte senex: cineres, salvete beati,
Et florum vice, sint lacrimarum haec munera
grata,
Quas amor ex oculis excit moerentis amici.*

2.

Ad Emin. Ruffum Archiep. Neap.

Foetura, utinam heu! vitalis.

Nr eminentissim. lustrata

oculis;

Nr obstetriciis contrectata

manibus;

In lucem ne prodito,

Apollinis Decr.

Numinis dicto audiens

R. G.

XXV.

In quemdam pileo superbientem.

Totus es in pileo, floccorum murice turgens.

Ergo te flocci, pro pileo, faciam.

XXVI.

BRVNONI. AB. AMANTEA

ET

DOMINICO. COTVNNO. ARCHIATR.

PARENTALIA

*Invida si prope vos mihi suspexisse, dedissen
 Fata, virosque olim noscere de facie;
 Vobiscum ut nostrae modico vel tempore vitae
 Conseruissem ultro verba, citroque semel:
 Nectareo carpsem quidquam fortassis ab ore,
 Quod nunc afferrem Manibus inferias.
 Non equidem inferias heroum Manibus aptas,
 Quales pro merito, si daret ingenium;
 Sed quales aequi facerent, qui denique norunt,
 Exili quantum in corpore sit tenuis
 Mens animi mihi. Deserto nunc omnibus, atque
 Plane externato, quid superest reliquum?
 Ereptasne animas dicam de faucibus Orci,
 Quas et quis referat, quisve referre, queat?
 Funus ut amborum, pro funere totius Urbis,
 Iam tum constiterit. Tam grave cordolium
 Perculsit cunctorum animos, quibus altera,
 nuper,
 Brunone extincto, fax quoque praeeripitur!
 O Bruno! et nunc Brunoni addite, docte
 Cotunne,
 Salvete. O nostri spesque, decusque soli!
 O gemini medicinae oculi, et mens, et manus!
 O par!
 Ecquando, vel ubi, par aliud simile?*

*Queis sese natura ultro patefecerit omnis ,
 Quaeque alios lateant , cernere posse , dedit.
 Quaeque hi desperent tractata valescere posse ,
 Secura tacitus tractet uterque manu.*

*Ollis adsurgunt adeo Germanus , Hiberus ,
 Adsurgit Batavus , quique Pado lavitur ;
 Aut Ararim , Thamesimque bibit , Rhiphaea
 vel antra*

Incolit , e nostro dissitus Orbe , Scyrtha.

*Miratique novas artes , miracula rerum ,
 Ex vero ambobus numen inesse , putant.
 At vos maior adhuc , nec fallor , fama , manebit ,
 Quae dabit a summis proxime abesse Diis.
 Pura fides , pietasque Vtrum , sine crimine
 mores ,*

Plenaque exundans pectus amicitiae :

*Qua non una aegris dubiae spes certa salutis ,
 Sed paupertati praesidium omne stetit.*

Nec natos vel uterque Parens impensius usquam

Curet , quaque potest , arte iuvare , iuuet ;

De vultu ut vestro , quo quisquis maxime egebat ,

Pendebat certus , caetera nil trepidus.

Sed me quo venti rapiunt ? Heic colligo vela ,

Pro pelago tali tenuia vela satis.

Stent haec certa viris. Quereris vulgaria?

produnt -

Sed tamen e nostris irrigua illa genis.

XXVII.

BRVNONI. AB. AMANTEA

Si tibi de nostro nunc nomine, Bruno, litandum,

Suppeterent nullae pro merito inferiae:

Sed lacrimas Urbis, desideriumque perenne,

Accipe de nostra munera digna manu.

Tu Chirurgorum Princeps, tu vivere semper,

Aut nasci numquam, Maxime, debueras.

*Sed bene egenorum Pater ad caeli ardua
transit.*

transit,

Maturaturus firmitus auxilium.

XXVIII.

DOMINICO. COTVINNO

ARCHIATRO. NOBILISS.

Pro vitae penso, sat. Sat, pro foenere vitae,

Munera stant famae digna, Cotunne, tuae.

Sed vitae mecum recolens incommoda, dicam:

Hora tibi, aut brevior hac quoque, vita fuit.

XXIX.

SECVRIT. MEMORIAEQ. AETERN.
OCTAVI. BENED. F. CLARITIAE
DOMO. SAEPIN.

S. TH. M. EX. ORD. PRAED.
S. MARCI. CAV. PRIOR. PROV. III.
DEP. D. XVI. K. MART. MDCCCXXII

Vidit et integrum me nonagesima messis.

Tertia surgebat. Non datur ulterius.

Si numeres annos, vitae si praemia spectes ;

Illorum satis, haec nulla fuere mihi.

Dum vixi, vixi. Viventem corripuit Mors.

Cumque libris moriens vivo, loquorque meis.

XXX.

MONILE S. MARIAE. AB. ARCV. FVRTO
ABLATVM
PIETATE. PVBLICA
RESTITVTVM

Impia per tenebras quod dextera surpuit, ecce

Virgo, tibi pietas publica restituit.

XXXI.

EXVLIVS. ARMENIIS
PRO. FIDE. CATHOLICA
AN. REP. S. MDCCCXXVIII
STRENE. DEFVNCTIS

*Salvete, o decus Armeniae. O pars addita
nuper,*

Sanguine qui Christum sustinuere, choris!

Vos procul extorres egit, rerum omnium egenos,

Turcarum rabies, qua nihil horridius.

Nec domibus contenta unis arcere paternis,

Exulibus vitae praesidium omne rapit.

Hinc fessi rerum, functique laboribus, unda

Per medios hostes mortis aditis iter.

Barbarus haec vidit: sicco neque lumine vidit,

Quo nolens crimen fassus et ipse suum est.

Hoc tamen ille putat misereri. Falleris eheu!

Quin, amens, potius iam miserere tui.

Nonne vides, quantus tibi, qualis et instat

ab Arcto

Nunc labor? o equitum quae, peditumque-

manus!

Quos praecipit ipse suos, arcumque tetendit ab

alto

Omnipotens... Quo, quo tegmine tutus eris?

Venit summa dies, et ineluctabile tempus.

Te, te iam Lunae cornua deficient.

Sintque tuae tecum Dirae: te non morer ultra;

Armenios repetam sed magis ipse Viros.

*Nec multis porro mihi gaudia vestra moranda,
 Anxia quos Caeli Curia tota manet.
 Montibus in vestris, quis nesciat? Arca resedit,
 Qua nostri clausae reliquiae generis.
 Quid mirum, Fidei labentis castra tueri
 Tam bene Martyribus si datur Armeniis?
 Pars vestrae id laudis: superat pars altera
 maior:*

*Vos prece non dubia sollicitare Deum;
 Ut, foedo a nostris pulso cervicibus hoste,
 Unum Pastori fiat ovile suo.*

XXXII.

GALLVS. INDICVS. DELATVS
 DOMINICO. DE. HIERONYMO
 II. CVRIAE. NEAPOLIT. A. CRIMINIB.
 PRO. PRAESIDE

R. G.

*Hic reus est mortis. Sed mortem indicere
 sonti,
 Me sancti prohibent iura ministerii.
 Defertur tibi, cui Nemesis sunt iura tributa,
 In quem lunatam literulam iacias.
 Ne desim officio ipse meo, post funera condi
 Damnatum, sine me, ne sine, sarcophago.*

DIS. ABDOMINALIB.
 GALLO. NAT. INDICO
 TIT. PON. CVR. R. G.

*Ut licuit, titulum tibi ponimus, Indice Galle.
 Tu modo sarcophago ne gravis esto tuo.*

2.

Ad eundem in causa simili.

*Indicus iste bipes tibi sistitur. Alter ab illo,
 Quem damnasti unus, condidimusque simul.
 Si pectus tumidum, si colla rubentia spectes,
 Illius iste nepos, filius anne magis?
 Sit quicumque. Miser satis urgetur iisdem,
 Hortorum pestis, perniciesque satis.
 Macte igitur, partes, qui mos tibi, iudicis
 imple:*

Implebo partes impiger ipse meas.

XXXIII.

MICHAEL. VRSVS
 ARGIA. DVCE
 HERCVLAN. ITER. INSTITVIT
 PHOEBI. MONITV

*Quo Labyrinthum adeat, nullo discrimine vitæ,
 Fida olim Theseo filum Ariadna dedit.
 Tutius Herculeæ latebras nunc permeat Urbis.
 Ursus, ab Argia ductus et ipse sua.*

*Illa manu, illa oculis, rimanti cuncta retextit,
 Quae deceant Vatem, quod decet Historicum.
 Clarior hinc Ursi nitet inter fama Sodales,
 Qui Mergellinen, Pausilypumque colunt.
 Gratulor, Urse, tibi duce tali! gratulor idem,
 Pulcra Argia, tibi! sed caveas, moneo.
 Misceri caelum cupit Ursus turbine, quali
 Didoni quondam, Dardanioque viro.
 Non Venus hic ulla hortatrix, non pronuba
 Iuno:
 Saevus at horrendum Mulciber ecce tonat.*

XXXIV.

NICOLAO. ZINGARELLIO

A. MOD. MVSICIS

PRO. DIE. S. PARASC. A. MDCCCXXVII

*Numina flevisent, possent si numina flere,
 Flebilibus numeris, o Nicolae, tuis.
 Nam tu non aures tantum mulcere peritus,
 Pectoris humani sensa vel ima petis.
 Flevimus ast ipsi, flentes et regna beata
 Ecce videbamus iam tenuisse Deam.
 Cur non ista furens audit Iudaeus? an anceps
 Haesisset certae iam pietatis opus?*

XXXV.

Accepit eum Simeon in ulnas suas. *Luc. Cap. II.*

RRO. LONGAEVITATE

ALOYSII. RVFFI. CARD. ET. ARCHIEP.

NEAP.

VOTA

Fortunate Senex! quem nunc complecteris ulnis?

*Pectore quem trepidans terque quaterque
premis?*

Ut ros in gramen, per canas lacruma manat

Crebra genas, haerent et labra fixa labris.

*Ultra et quid videam, clamas? quidve amplius
optem?*

In pace ut moriar, da modo, sancte Puer.

*Sancte senex, parce! Eripiunt tot gaudia
mentem.*

Vitam complexus, qui potis, ut pereas?

*Vive igitur. Quamquam, post haec spectacula
rerum,*

Vitae huius fluxae sit grave, quod superest.

VEL. MAGE. QVOD. VITAE. PIGET. HOC

SVPERADDITOR

ANNIS

PONTIFICIS. NOSTRI. PVRPVREIQ. SENIS

XXXVI.

Sub Divi Iosephi effigie.

Et erat subditus illis.

Terra Deum colit; astra colunt. Sanctissime
Ioseph,

Quem colis ipse Deum, te colit ipse Deus.

XXXVII.

Gemma III. viralis corpus unum referens cum
capite triplici, et brachiis sex.

Unum Corpus: et id recte. Sex Brachia: laudo.

Quid Caput huic triplex? Ne mora: tolle duo.

Regnum Corpus erit, cuius sint Brachia vires:

Unius ergo unum Corporis esto Caput.

XXVIII.

Ut vidit allatum ad se caput Pompei, colla-
crimavit. Xiphilin. ex Dion.

Quid, MAGNO extincto, lacrimaris denique,
Caesar,

Quem quo conficias, impiger insequeris?

Sed lacrimas tamen haud credam procedere
fictas,

Quas dolor expressit non sine laetitia.

Extinctum gaudes: alieno at vulnere lapsum,

Non placuit, poterat qui cecidisse tuo.

XXXIX.

Xerses novis inhians voluptatibus ab Artabano
opprimitur.

*Si cui, siqua voluptatum nova forma reperta,
Et laudes, inquit, munera et accipiet.*

*Nil clades Salaminae homini didicisse de-
derunt,*

*Nil ad Thermopilas et didicisse, datum.
Aptior hunc regno, vitaeque carere docebit
Praeceptor. Dostat nec procul a foribus.*

XXXX.

De inepto Libello iudicium.

*Dicens multa nihil dicis; vel talia dicis,
Quae si quis nescit, scire quid iste queat?
Haeres in parvis trepidans, dum magna mi-
naris:*

*Sed magni interea nil, nisi verba, refers:
Implesti latrans totas indagine silvas.*

Aprum credebam: vix tibi capta culex.

XXXXI.

Livor se ipso abit in nihilum.

Allegoria.

*Unde vapor, quaeris, qui nostras inficit
aureas?*

Scilicet erumpens triste Mephitis olet.

Quid petit hic ? Orbi radios subducere

Phoebi.

*Quid Phoebus ? transit. Quid vapor ? aura,
nihil.*

XXXXII.

Temporum invidia.

*Vix lauri baccas, modicae vix frondis honorem
Parnassi colles suppeditare solent.*

*Nempe soli id vitium, abruptis quod cautibus
haerens*

Detrectat fruges vomeris impatiens.

*Monticolae at baccas, et frondis surpere
honores,*

Hoc hominum, hoc nostri temporis est vitium.

XXXXIII.

Temporum iniquitas.

*Pantolabus perpauca serens metit undique
multa.*

Multa serit Bassus : nil tamen inde metit.

Uno nec numero Bassi sata crede praeire ;

Sed praeceunt longe conditione magis.

Nil meritaе fruges. Caeli natura, solique

Et nocet una bonis, et favet una malis.

Desine mirari. Non cuivis omnia posse,

Sorte datum. Serit hic : alter et inde metit.

XXXXIV.

Vituperari satius, quam laudari a mendacibus.
Laudantem Bassus scurram fastidit, et odit:

Idem latrantem sustinet, atque fovet.

Quae Bassi mens, cupidi scrutantur amici?

Mentiri, est illi vivere, Bassus ait.

XXXXV.

Amici venales.

Multos imprudens Eunus numerabat amicos:

In partes alias alter, et alter abit.

Quid mirum? Secli vitio venduntur amici,

Sanctaque pro lucro venit amicitia.

Si quid pensi igitur tales habeantur amici,

Spe pluris facta, ne mora, tutus emes.

XXXXVI.

Bovii funus.

Effertur Bovius. Vespillonum addita ternae,

Pondere sub feretri biga quaterna gemit.

Occurrit Labeo; vacuique, exclamat, in urbe

Heu! quantum posthac! dilaniatque genas.

Quantum cum Bove vix Asinus, respondet

Anoptes,

Complerit. Labeo, desine plura queri.

Mole ingens apimam Bovius, salis instar,

habebat,

Vir fortasse bonus, caetera truncus incrs.

XXXXVII.

Famulae tristes.

*Res mala , Galla ! Cave , mihi Delia iugiter
inquit ,*

Et mala res , caveas , Delia ! Galla monet.

*Et credam ambabus. Nam Delia pessuma :
Galla*

Peior , nec fingi peius utraque potest.

XXXXVIII.

Temporum angustiae.

Insidias oculis cur non intenditis , ut mos

Est vobis , Fures ? sunt etenim vacui.

XXXXIX.

In Horilogii quadrantem.

Praeterit hora fugax. Tu nunc si deeris illi ,

Aeternum misero deerit illa tibi.

L.

Lepus fugiens marmori insculptus.

*Tu ne oculis , ne crede tuis. Nam currere
dices ,*

Aeternum steterit qui Lepus in Lapide.

LI.

In otium.

*Otia corrumpunt mores , corrumpit ut undas
 Protracta in longum non bene tuta quies.
 Servat aquas motus : mores et servat honestos ,
 Si modus adfuerit , sic labor assiduus.
 Non labor , ast tempus vires frangitque ,
 Corporis , idem animi qui parit , auget , alit.*

LII.

*Inepte Voltairius Pauli raptum usque ad tertium
 Caelum deridet
 Ad Caelum raptus , de caelo , Paulle , quid
 affers ?
 Quae non ulli hominum dicere , verba , licet.
 Tuque adeo causaris iter , vanumque laborem ,
 Voltairi , unde boni nil tibi contigerit.
 Et sapis interdum ! haud semper mentiris ,
 inepte.
 Non tibi , sed nobis , profuit illud iter.*

LIII.

Ad vates qui nomen JESU concebrarunt an. 1831.

Diligam te, Domine.

*Vincite carminibus, Vates, qui nomen Jesu
Laudatis, vobis vestra nec invideam.*

*Si mihi, si primas cedatis Jesum in amando,
Quo cunctos unus vincere discupio.*

*Nec me spes fallat, si nomen amabile Jesu
Hoc sperare iubet, quod petiisse dedit.*

LIV.

Longaevitatis inepta auguria.

*Quid mihi commemoras, quid et optas Ne-
storis annos?*

Non, bene qui moritur, vixit et ille diu?

LV.

In detractorem importunum.

Quanti te faciam, si vis ediscere, dicam;

Non facio pluris, quam facio culicem.

*Vellicat haec, quod tu facis. At persaepe
prehensam*

Index, et pollex in nihilum redigunt.

LVI.

Magni Voluminis aestimatio.

Ingens emptorem Codex fortasse manebat:

Advenit hic tandem longe aliud simulans.

Et quanti hic, inquit? Tricenos venditor asses

Intonuit! pretio demere iota, negat.

Grammaticus fortasse aderat, Iurisque peritus,

Deducto et Logicus forte supercilio.

Advocat hos emptor, pretii seu venditor optet

Iudicium, pretii seu magis arbitrium.

Conveniunt. Quartam primus, mihi detrahe,

dixit:

Et quartam, alter ait, detrahe iure meo.

Quod superest, video, tum tertius infit: et

ultra

Demendum peterem. Sed locus arbitrio est.

Tertia nunc mihi sat. Pallescit venditor; em-

ptor

Erigitur; risu caetera turba favet.

Ecce Olitor: mihi stat Codex. Tuque, accipe

sextam:

Chartae quod superest, alter hic Assis erit.

Opes sapientiae anteferuntur.

Idaliae postquam Veneri data gloria formae,

Altera lis victas inter oborta Deas.

Iuno sibi primas; primas sibi fulva Minerva

Asserit: ambabus iudiciumque datur.

Sed dolet, arbitrio cecidisse unius, ad Idam:

Abs Iove iudicium plenius inde petunt.

Humanum ciet ille genus. Cui quisque Dearum

*Optarit magis, huic se addere quemque ,
iubet.*

Iunoni extemplo sese pars maxima iungit :

Desertae propior visa Minerva fuit.

Quaeritur usque adeo ex illa iam aetate Vo-

luptas,

Virtutisque dehinc anteferuntur Opes.

LVIII.

*Caetera de genere hoc , quae vix numerare
valebis ,*

En ubi sunt? Nostri nominis illa pudet.

Et pudeat nostrum , meliori si modo fato ,

Nomine contigerit splendidiore frui;

Quando divitias , nomen , bona quaerere

cuncta ,

Non sibi , sed natis , hoc patris officium est.

MONITVM.

*Marmoris Anxianensis tertium denique al-
 latum paradigma, calamo exaratum, de-
 lineatumque ad τὸ ἰσομεγεθὺς magnitudinem,
 de quo monendus lector, illud cum superio-
 ribus plane consentire. Id vero ex voto ces-
 sit potissimum pro voce ΒΥΜΑ versus ultimi.
 Tantum de voce ΣΕΝΑΛΩΝ γ. 14 commone-
 re, operæ pretium fuerit, eam ex novissi-
 mo exemplari fuisse videri ΣΕΝΑΙΛΩΝ, quod
 cum dictis de flumine nominis huius loco suo
 amicissime coniurat.*

ΣΕΛΕΥΟΕΡΙΟΣ	
ΟΜΟΝΟΙΑΤΑΣΔΑΛ	σας
ΡΕΝΤΑΝΗΝΣΥΜΜΑ	των
ΗΤΑΔΗΪΑΝΗΑΔΑΛΑ	νω
ΤΑΤΑΣΒΥΚΙΑΣΡΟΜΥΛΑΑ	σ
ΗΙΑΣΤΟΙΟΝΗΟΝΙΣΤΑΝΙ	νκαι
ΗΚΑΙΦΟΡΑΝΤΑΔΕΙ	ιωτε
ΙΤΟΚΟΙΝΟΝΤΑΣΚΛΥ	ουας
ΡΑΝΤΑΝΦΕΝΤΡΙ	θυνο
ΔΥΔΑΝΗΓΙΡΥΛΗΦΙ	των
ΥΤΑΛΙΝΤΡΙΝΙ	χατων
ΗΣΕΝΑΛΛΗΚΑ	χωμασχα
ΑΝΤΕΣΦΙΛΟΓΙΑΤ	ρδεεχο
ΝΗΑΡΑΝΒΥΜΑ	ετελεσαν





MANTISSA.

Quod deperditum deplorabamus, nobile marmor Anxanense, illud post bono fato sartum tectumque adservari Anxani didicimus apud virum illustrem Michaellem de Georgio, nec in partes duas diffractum, uti perlatum ad nos fuerat, sed integrum, etsi hinc inde imminutum. Idem longitudine aequale palmis duobus, latitudine vero unciiis duabus supra palmos item duos. Pauca nunc iis adinetienda, quae in rem eandem sunt loco suo disputata, quaeque desiderari ultra a lectoribus, minime urbanum videri possit.

1. Ζευς Ελευθεριος passim obviat in Graecorum, Syracusanorumque numis, ut de literatis monumentis taceamus, quae videre est in *Corpore Inscriptionum*, caeterisque huius similibus *Collectionibus*.

2. Φρενταγων συμμαχων. Foedus Anxanense uenos Frentanos respicere videtur, qui Aterno, Trinioque fluminibus comprehendebantur; quod spatium per milliaria fere sexaginta in longum protendebatur. Inde nulla in marmore *Teates*

commemoratio, quae *Maruccinorum* olim *urbs princeps*. Eademque de causa *Larinum* omis-
sum, quae *Frentanorum* *Larinatum* *urbs* prae-
cipua, *Trinio*, *Forantoque* *amnis* conclusa.

3. Τοβουλητω. Sic nunc dividere placet : TO
BOYAH TΩ ANΞANΩ, quae libenter reddide-
rim : *quod Senatus consulto*, (*vel foedere*)
Anxano cum caeteris, quae sequuntur. Nam
τό Βουλη in *dandi* magis, *auferendive* *casum*
accipere, *animus* est, quam *nominandi*.

4. ANΞANΩ. Fuisse olim *Anxanum* *Fren-*
tanorum, de quibus sermo est, *caput nobilis-*
simum, ut caetera monumenta tacerent, vel
unum hoc *Marmor* *exerta voce* clamaret, *Ther-*
mopylis *aequatum*, quo *graecorum coibant Ci-*
vitates publicis, *gravissimisque* de rebus *deli-*
beraturae. *Anxanum* dictum forte ab *Asa*, seu
Ara. *Templum* in eo *Apollinis* *celebre* in *col-*
le praealto, cum *Luco sacro*, cui *Asyli iura*
tributa. In *duplici asse librali*, quorum *alterum*
penes Michaellem de Georgio, *alterum penes*
virum amicissimum Ravizzam est, ex una parte
Neptuni simulacrum cum *litteris dextrorsum in-*
cipientibus NΩNAΞNA, ex alia *Cochlea* cum
initialibus. 9Φ ; idest : *Anxanon Phrentano-*

rum. Qui numi bellum italicum longe praevertisse, ex illorum pondere conici facile potest. *Anxanum* ad haec *Frentanorum*, aliud ab *Anxa* *Sallentinorum*, unde *Anxani Sallentini*, quaeque, nunc *Gallipolis*, a Plinio *Anxa* nuncupata. Ab Anonymo item *Ravennate* cietur *Anxanum Apulum*, et Plinius de civitate alia cognomine *Marsorum* memorat.

5 Πάλλαν. *Arx* olim munitissima in monte eiusdem nominis, cuius adhuc rudera supersunt ingentia cum moenibus reticulatis, tredecim ab *Anxano* milliaribus dissita.

6 Βυκίας. Βυκίαι, seu *Bucac*, *Urbes* duae cognomines. Prior, eaque nobilior, ab *Histonio* tribus distans milliaribus. Eius rudera in sinu adhuc maris conspicua se dant, qui nunc *Penaluce*, de qua uberrime *Romanellius*. *Buca* alia, quae discriminis ergo et *Buba*, ante etiam *Sicca*, intra sextum fere ab *Anxano* lapidem, *Fossam caecam* versus, continebatur. De hac marmor *Anxanense* intelligendum reor, de quo paullo infra enucleatius. Nec praetereundum, ad *Urbis* huius viciniam extitisse olim templum *Veneris* quoddam celebratissimum.

7. Ρομυλκην. *Romulca* vulgo *Hirpinorum* op-

pidum habitum, et fortassis urbes duae cognomines, Hirpinorum una, altera Frentanorum, de qua marmor Anxanianense. De posteriori hac nullus videtur dubitandi locus, si Scriptores Frentanos audias, qui de ea exquisitissime scrutati sunt. Novem ab Anxano milliaribus distabat, quatuordecim a *Francavilla*, seu *Frentana villa*. Romuleae huius perennant hodieum prisca vestigia, monumenta videlicet literata, *Romaeque* nomen superstes, quo prope hodiernam *Guar-diagrele* vulgo condecoratur vicinia, ubi quondam Frentanorum *Romulea*.

8. Τοζορνοιστανται. Ut *Histonium* in hoc literarum labyrintho, seu naufragio magis, agnoscam, nullis induci rationibus possum. Sit enim ἱστάνω pro ἱστονῶ: nullus moror. Ecquid hoc in casu fiet de τῷ τοζορνῶν? quatenam vocis huius potestas? quae deinde ἡ συνταξίς? Hasta deinde verticalis literae penultima iotae formam completam minime refert, sed τ potius, cuius linea transversa evanuit. Nihil ergo recedendum puto ab his, quae hac de re loco suo dicta sunt. Quo probabiliora fiunt, quae de marmoris Bycia n. 6. disputata sunt. Nam Bycia, seu *Buca*, quae nunc *Pennaluce*, ad

Histonium longe propius accedit, quam ad Anxaniensem Civitatem. Et *Buca* fortassis haec iisdem de causis, quibus et Histonium, nondum Anxaniensibus se adiunxerat in tumultu sociali. Paucis: negotium hactenus facessiit vocula, quae τοξον reddita est. At vocis huius character tertius formae est satis ambiguae, quae tamen ad ζ accedit, ut videre in τῷ εκτυπῶ est, quem si pro sigmate accipias, erit τοσον, omniaque sine mora decurrent. Itaque καὶ ὀρτωνίας τοσον ηογι σταντων fiet ad literam: et *Ortoniae quantum quantum est litori stantium*, nempe: et *Ortoniae quidquid est litori adiacentium*.

9. Κλουίας. *Cluviae* item duae cognomines; Samnitium una, alia Frentanorum, de qua marmor nostrum, ubi et Colonia consecutis temporibus deducta. Sita autem fuit ad dexteram Viae Traianae, tribus tantum ab Anxano milliaribus. Cluviis repertus ad an. 1747 lapis, quem heic refero:

D. M.
 FLAVIA COMICE FECIT
 C. CAESIO METRODORO
 CONIVGI BENEMERENTI ET
 CAESIA METRODORA FILIA ET
 L. CAESIUS METRODORVS L. CAESIUS
 PROBVS FILII FECERVNT PATRI DVLCISSIMO
 ET SIBI ET SVIS LIBERTIS LIBERTABVSQVE
 POSTERISQVE EORVM. H. M. D. M. A

10. Φορπυτος. *Ferenta*. Facile inde *Frentanilla*, seu *Frentanavilla*, quae nunc *Franca-villa*.

11. Γυριλις. Hodie *Girolo*, sic ab amne dictus, qui ad Anxani ortum fluit. Eius vestigia adparent in loco, qui nunc *la Serra*, quinto ab Anxano lapide.

12. Φρισίαν. Post *Frisio*, et *Frisia*, nunc *Frisa*. Distat ab Anxano septemtrionem versus milliaria duo.

13. Αυδαύ. Post *Gaudo*. Portus eiusdem nominis, ubi nunc *Castrum* vulgo *S. Vito*.

Haec nobiscum pleraque communicata humanissime abs erudito viro, Antonio Maranca, ut facile in eo agnoscas genus maternum ab Antistite doctissimo Antinorio ductum.

*Inscriptiones graecae nonnullae nuper
Capreis repertae.*

1.

... Ι ΣΕΒΑΣΤΩΙ
... ΛΟΥΙΟΣΑΠΕ
... ΝΩΜΗΣΑΝΤΕ

In tabula marmorea fracta superne , quam cum his , quae sequuntur , communicavit nobiscum humaniter vir Cl. , nostrique amantissimus , Tarentinus Antistes , Capicylatrius.

2.

ΘΑΝΩ ΟΗΝΙΚΟΥ
ΧΑΙΡΕ

Notanda ad voces Θεων forma C pro E, nisi forte aut exscriptoris incuria , omissa , aut temporis iniuria , deleta linea transversalis. Tabula item marmorea , et sepulcralis , uti videtur.

3.

ΑΘΑΝΟΔΟΡΟΣ ΑΓΗΣΑΝΔΡΟΥ
ΡΟΔΙΟΣ ΕΠΟΙΗΣΕ

In marmore *Africano* , ut dicitur , quod basis loco extitisse creditur statuae cuiusdam. Et non defuturos auguramur , qui de *Athanodoro* hoc artifice , *Agesandri* Filio , *Rhodio* , diligentius inquirent. Doricismus manifestus in voce Αθανοδορος pro Αθηνοδορος.

Adde haec nostris , quae sequuntur.

Epidii Flacci quinquiplicato Duumviratu.

PHRONIMVS. MESSI. FAVS†

PLACIDVS. VEL. FRONTONIS

A. ARELLIVS. GRAECVS

MIN. AVG. EX. D. D. IVSSV

:: :: M. VESONI. MARCELLI

II. VIR. I. D.

M. LVCRETI. EPIDI. FLACCI

PRAEFECTI

L. ALBVCI. D. LVCRETI II. VIR. V. A. S. P. P

V. C. 787. PAVLLO. FABIO. L. VITELLIO A. V. 34.

COS

M. Lucretius Epidius Flaccus, unus idemque vir nominibus quatuor designatus, quae *κακωνθεια* (1) nomina sibi coacervandi, increbrescens a seculo primo aer. vulg. ad finem vergente, mirum in quot ambages viros doctos saepiuscule coniecero. Duumviri prioris I. D. nomina de industria a marmore abrasa, facile Tiberiano aliquo fulmine attacti. Anne hic Seiani amicitia Tiberio suspectus? verum ecquis non homini huic suspectus? Loco igitur Duumviri huius deturbati, prodit *Caesaris Praefectus*, *M. Lucretius*. Caesaremque intelligito C. Caligulam,

(1) *Vid. F. A. pag. 163, et not. 89 pag. 178.*

cui Duoviratus a Pompeianis contigit triennio ante, quam Consulatum suffectum iniit cum Ti. Claudio ad an. 790. Idem *Lucretius* recurrit *Praefectus Caesaris*, cum eadem biga consulari, in fragmento, quod sequitur. Quamobrem alterum ex altero fidenter restituo, deque *sacris indictivis*, minime *annuis*, rem fuisse autumo.

Phronimus. Messi. Fausti

Placidus. Vei. Frontonis

M. Arellius. Graecus

Min. Aug. ex D. D. iussu

M. Vesoni. Marcelli. D. V. J. D.

M. LVCRETI. Epidi Flacci Praef.

C. CAESARIS

L. ALBVCI. CELSI. D. LVCRETI VALENTIS

II VIR. V. A. S. P. P

V.C.787.PAVLLO.L.VITELLIO.COS A.V.34.

Vice Duumviri alterius, continuata Pompeis Praefectura ad an. usque 791, ut colligi datur ex titulo mox producendo. Recte igitur insinuatum supra, Pompeiorum Fastos Duumvirales ab an. 787 usque ad 791 continuatos partim sub uno IIviro I. D., vices alterius subeunte *Praefecto C. Caesaris*, partim sub duplici *Praefecto*.

... ADEPTVS

NumisiVS. FELICIO

V. C. 791 :: M. EPIDIO FLACCO A. V. 38.

QVINQ. M. HOLCONIO. MACRO

PRAEF. I. D. L. LICINIO. C. ADIO

VIR. V. A. S. P. PROC

Ecce tibi M. Epidium Flaccum quintum iam Pompeis qua Duumvirum, qua Praefectum I. D. Comes ei in Praefectura huius anni M. Holconius Macer. Ante Epidii nomen abrasionis vestigia. Nullus igitur Pompeis hoc anno Duumvir: ambo Praefecti I. D.

L. Licinius C. Adius, unus item vir, duplicatis nomine, et praenomine, ideoque dictus non *Iivir* sed VIR; ne occasio fieret cogitandi de duplici homine, quod nobis initio contigit. Ex hoc item monumento primo didicimus, postremam singularem P siglarum nostrarum de genere habendam *procuratorio*. Ad pag. 80. A. Suettius verus Aedilis, non *Iivir*, sed *Vir ἀπλως* dictus. Dele igitur, quod ibi aliter coniectando dictum.

porum huiusmodi ambitum siglas nostras contineri, marmora universa, parietinaeque inscriptiones omnes clamant. Qua nos ratione permoti praecipue *Augustum* sub initiali illa latitare coniecimus.

3. Quid *τὸ sollemnibus* cum quinta initiali *S*? est enimvero et *insanire sollemnia*! Nam et *ludi sollemnes*, et *sollemnes epulae*, et *nuptiae sollemnes*, et *sollemnia funera*: et *sollemnia* numquam incurras, nisi ante explorata, aut insinuata re, cuius sunt *sollemnia*. Sic Tacitus (1): *cuncta nuptiarum sollemnia celebrata*. Sic Virgilius: (2):

Et statuent tumulum, et tumulo sollemnia mittent.

Praemitti ergo oportuerat initialem *L*, si ad ludos referenda *sollemnia* fuissent.

4. Prostat Pompeis titulus eiusmodi:

M. OCVLATIVS. M. F. VERVS. II VIR. PRO. LVDIS
quem false olim interpretati sumus *Duumvirum a Ludis*. Latebat quippe nos, titulum in Theatri pavimento insculptum. *Oculatium* itaque nunc

(1) Lib. XI.

(2) Aeneid. VI.

agnoscimus Duumvirum Pompeianum, qui *pro ludis, theatri pavementum dedit*; nec in his sero poenituerit unquam, quemcunque dicti factive poenitebit aliquando.

5. Paucis nunc, quae ad *īlviros* hosce Pompeianorum sacrorum procuratores pertinuisse olim videntur, complectamur. 1. Hi duo, non amplius, ut numero olim Romae vetustissimi *XV. viri. Sacr. Faciund.* 2. *Sacerdotes* sine cunctatione, *annui* tamen, minime *perpetui*. 3. *Ministris* idcirco dignitate longe anteibant, ac conditione *ingenui* semper, numquam *Liberti*, *Servi* multo minus.

6. Ubinam praeterea, vel ecquando, in titulorum formulis recensita Magistratuum, sive Officiorum munia, quae subaudiebantur videlicet, uno audito Magistratus, seu Officii nomine? Indigebantur haec enimvero aliquando, sed ecquando? quando nimirum eorum nomina communem, ancipitemque prae se ferebant potestatem, minime certam, determinatamque, qualia sine dubio *Quaestorum*, *Quinquennialdum*, *Duumvir.* sive *īīlvir.* nomina, caeteraque horum similia, quibus si nihil addas, de quibus loquēris, aeternum latebit. Sed nihil tale ti-

mendum in Aedilibus ciendis est, qui et *Viri* dicti *Aedilic. Pot.*; ut et ad vocem *Consul*, *Dictator*, *Praetor*, aliasque huiusmodi, quarum certa, perpetua, eademque apud omnes potestas. Paucis: titulum unum afferat vir doctus, in quo Aediles sic notati, ut ipse contendit, D. V. V. A. S. P. *Proc.*, victasque ei manus dabimus. Ciceronis tamen locum III. *de Leg.* 3. caveat in medium proferre iterum, qui pro re nostra plane *ἀρόπος* est. Tullius enim legis latorem agit, cuius est, munia cuique sua enucleate praecipere, quibus semel assignatis, nihil est, quod Magistratus, officii nomine ultra addas glossematis in modum, ut ille facit. Minutiora si quis optet, quae in serrae huius reciprocatione acta, dictaque sunt, is adeat *Opusculum nostrum vernacula dialecto exaratum hoc an. eodem 1832*; cui titulus: *Risposta all' Opuscolo col titolo di Osservazioni sopra un Libro intitolato: in sacra nonnull. Pompeior.*

SCHOLIA.

1. Quod pag. 7 refertur, fragmentum, sic omnino legendum:

... AESA...

... VG :: V. :: ::

.. MINIS. A...

.... IVAR..... (*forte*) *Ianuari.*

Nota numeralis V. secundae lin. cum puncto dextrorsum addita deinceps, abrasis, quae ante fuerant insculptae, literis. Fragmentum idcirco referendum ad Consulatum quintum Tiberii, nempe V. C. an. 784. Aer. vulg. 31. Moven- dum igitur de loco fragmentum, transferendum- que ad pag. 62 sub n. 18; qui deinde fiet 19 pro titulo PHILIPPVS. MELISSAEI.

2. Ad pag. 8 idcirco pro numero 2 erit 3, titulusque sic restituendus:

P. STALLIVS. ACATHO

MINISTER. D. D

IMP. CAESARE. Ix

M. SILANO. COS

.. VATVM. P. ALFENO

P. VINICIO COS

IVSSV

M. POMPONI. MARCELLI

L. VALERI. FLACCI. D. V. I. D

L. OBELLI. LVCRETIANI

.....

Ad vocem *Agatho T*, et *H* cubant in nexu, cuius nunc forma non suppetit.

3. Titulus sub num. 15 pag. 57. cum gemello pag. 59 sub num. 16 trasferendus ad pag. 14 cum notis numericis 3, et 4, referendusque uterque ad an. V. C. 740. ante Aer. vulg. 14. quo tempore Consules ordinarii processere M. Crassus, et Cn. Lentulus. Post v. 9 adde: M. NINNI. M. F. POLLION; quod omissum, culpa non equidem nostra inter festinandum, ut alia bene multa, quae parum urbane nobis Avellinius, more suo, imputat. Eadem causa factum, ut restitutiones quaedam nostrae in autographi speciem irrepserint, omissis lineolis, quibus signatae per nos fuerant. Notandum praeterea, marmoribus, postquam descripta per nos fuere, novas adhuc supervenisse iacturas, illorum imprudentia, quorum in manibus versabantur, ut vitio nobis dari non debeat, si quid nunc Avellinio novi in τοῖς αὐτογράφοις videre contigerit. Caetera pro marmoris huius vindiciis, calumniisque depellendis, quibus nos appetit idem Auctor, vide in responsione nostra italice conscripta, supra commemorata.

4. Ad pag. 15. lin. 2. loco τῷ M. POPIDIVS. lege: N. POPIDIVS; et ad lin. 7. corrige: A. CLODI. FLACCI. III.

5. Fragmentum per nos relatum pag. 13 ita
legit Avellinius :

.. ..
.. ..
... SV
... LI. CELERIS

)
..... ACCI

SEX..... EIO. COS.

Ad ultimam lin. vox SEX.... cum litera E vocis
sequentis in fragmento pessime habito effuge-
rat aciem nostram, indeque coniecturae nostrae
quaedam parum firmæ pro marmoris ætate sta-
tuenda. Consules nunc Sex. Appuleium, et Sex.
Pompeium libenter amplectimur, et fragmentum
relicimus ad an. V. C. 797. Aer. vulg. 14.
Si igitur novam editionem adornari contigerit
Com. nostri, locus huic erit ad pag. 43. in
fine §. III. sub num. 5., hiatusque insequens
Fastorum Pompeian. intra novennium contra-
hetur. Veritati quippe,

Deo ignoto

Viris seculi huius,

Vnde unde adfulgeat,

V. L. M.

Pag. 59. et 60. actum de initialibus M. S. et T. S., deque earum potestate, quae Collegae nostri palato minime sapiunt. Rem compendio resumamus. Fragmentum extat pompeianum huiusmodi ;

:::

....IO. SITTI. M. S

.....S. SORN. T. S

.....A. VOLVSI. T. S

Characteres superstites sinistrorsum reliquiae sine cunctatione sunt nominum servilium. Finge, primi nomen fuisse *Primio*, ne singulos persequar: prior itaque linea sic legenda: *Primio Sittii M. S.* Si observatorem nostrum audis, erit: *Primio Sittii Marci Servus*. Praenomen quippe *Marci* referendum sine dubio ad τὸ *Sittii*, adeoque *nomen* praepositum *praenomini*. Historicos, Oratoresve nil moror, quibus haec perinde se habent. At quonam in titulo generis huius uspiam *nomen* praemissum *praenomini*? *Titulum* dico, ut de inscriptionum stilo agi unice quisque intelligat: nimis enim noster forensis est, quocum nihil unquam satis cautum, non *verbo* tantum, sed ne *literula* quidem. Nam ecce tibi, ut obiter moneam, quod *lubrida* diximus, ille *hybrida*

corrigendum praecipit, quasi lectio altera sine appellationis iure damnata. Nunc, quod instat.

Interpretationi suae ad pag. 99. nova quaerit exemplorum subsidia, quae ipsi *clarissima* videntur. Sed pace viri tanti, ne sic quidem *sacra rite facta*. Age, videamus paullisper.

Exemplum regerit *Fausti Versenni* P. S., solitariamque P. pro *Publio* habet. At Oliverio, ut ipsemet fatetur, haec eadem est *Procurator*, et Hagenbuchio *Peculiaris*. Verum haud facile in talibus *adiectivum* praepositum *nomini*. Dictum potius oportebat: *servus procurator*, etsi non memini, *Procuratorem*, aut *Dispensatorem* occurrere cum praemissa *Servi* nota. Sed ex adverso in medium se dat *Verna peculiaris* (1), itemque *Servus Verna* ad insinuandum *originem cum conditione*. Sic *Abascantus* (2) *Caes. N. Ser. Vern.* dictus, qui et *Disp. annon.* Quippe Abascanti iam proditis *origine*, et *conditione*, latuisset *officium*, nisi additum, *Disp. annonae*. Vide, interim nemini hactenus in mentem venisse de *Publii* praenomine praepostero. Ne-

(1) Fabret. pag. 295. n. 246.

(2) Ibid. n. 249.

gotium igitur nondum in claro positum, fortasse in tenebris adhuc perambulans. Cur non de Versenniis duobus cogitandum, quorum alter *Filius*, *Pater* alius, de quo titulus loquitur? Cur non solitaria eadem initialis habenda taciti *cognominis*, cuius rei non unum extat exemplum? Non hoc contentus noster, addit et hoc aliud:

Sodalis. C. Modii. Cimbri. Ser

Aeschinus. Octavi. M. Ser

contenditque, singulariam *M.* versus secundi esse item *Marci* praenomen, ad *Octavium* utique referendum. Verum edisserat noster, ecurr in linea priore in *C. Modio* Cimbro servatus ordo nominum tanta cum religione occurrit, qui mox in versu altero perturbatus, in quo *praenomen* foret *nomini* postpositum? Ecquid vetat, de duplici Octavio cogitare, quorum *minor* unus, *natus maior* alter? Cur non in litera eadem aut initialem intelligimus *cognominis* Octavii, vel potius *Magistri* dignitatem? Posterius hoc fortasse auspicius. Insinuata namque *Magisterii* dignitate, nil ultra ambigendum, de quonam *Octavia* ageretur.

Caeterum nisi vehementer fallimur, quaestionis huius iugulum petunt marmorum omnium pom-

peianorum exempla , quae videre huc usque contigit , in quibus *Servi* nusquam incurrunt , nisi Heri unius nomine discreti , eoque in gignendi casum. Cur in hoc titulo unico *Primionis* , aut alterius cuiusvis , denuntiata iam conditione servili vocis *Sitti* beneficio, additae initiales M.S.? Nisi id temere factum velis , servi huius ministerium aliquod agnoscere cogeris.

Unum pro re nostra heic lectorem monitum volo , ne imprudentia fortasse nostra fraudi illi sit. De *Sittio* , *Sornio* , et *Volusio* ita alibi sermonem fecimus , quasi ipsi extiterint sive *Monaulae* , sive *Tibicines sacrorum*. Non hi hoc functi ministerio , sed illorum *Servi* , quorum nomina invidit marmoris fractura.

7. Ad pag. 80. A. SVELLIVM corrige : A. SVETTIVM ; et dele , quae vano labore congesta ad lin. 9 usque pag. 81. *A* quippe *Suet-tius* , qui *Aedilis* , una fuit *Vir. A. S. P. P.* ; ut in aliis quoque adnotatum , de quorum genere hoc :

AED. V. A. S. P. P. V. B. D. R. P. O. V. F. SEMA
CVM. PVERIS

Addde et :

A. VETTIVM. FIRMVM

AED. V. A. S. P. P. OV FVSCVS

Verum hic idem *A. Vettius Firmus* tantum *Aedilis* salutatur in his :

A. VETTIVM. FIRMVM. AED. O. V. F.

FVSCVS. CVM. VACCVLA. FACIT

Et..

A. VETTIVM. FIRMVM

AED. V. B. O. V. F. FELIX. CVPIT.

Si *Aedilis* idem , qui V. V. A. S. P. P ; cur initiales hae omissae in duplici hoc titulo? cur ex adverso additae in duobus prioribus ad vocem AED.? nimirum , nisi in meridiana luce caecutire velimus , ut intelligi daretur , *Aedilitatem* longe aliud extitisse a Duumviratu *V. A. S. P. Proc.* Vettiumque , cum *Īviratum* eiusmodi nondum Pompeis attigisset , tantum *Aedilicio* nomine salutatum : cum vero et *Īviratu* sacro potitus fuit , tum voci AED. adiectas , ut par erat , initiales V. A. S. P. P. Sed pudet in his serio , et diutius immorari , de quibus iam viri docti iudicarunt. En erit olim , ut Collegam nostrum religio incessat , ea in nos per controversiae huius occasionem , qua conviciando ,

qua calumniando effutisse, quae ecquis non effutiat vel ignavissimus licet? Et tamen vel sic illi gratiae habendae, etsi sine gratia, quod iniuria lacesitis non pauca in melius recudere est datum, de quibus facile ne cogitatum quidem.

650553

~~650554~~